


# Litaelo Za Gabriele Ku Daniele

 Mulena aku fuyole, muzwale. Ki kakusasana, balikani. Kwa cisa luli, kuba mwa tabernakele kakusasana cwana, kono ki tabo luli kuba moo. Ki tabo luli lufitile—lufitile kacenu mwa sebelezo ye. Mi Ni bulezi kuli Ni ka luta cwale ka za *Lisunda Zemashumi Asupa Za Daniele*. Zeo kona zetamahanya hamoho Liñusa Ni si ka ya kale ni—ni Maswayo Asupa. Ili kuli, Maswayo Asupa; Likoto Zesupa; Litolombita Zesupa; Liñalelwa Zetalu; musali mwa lizazi; kutamiwa kwa diabulosi yomufubelu; baba handeleti ni fote-foo sauzande baba swailwe; kaufela zona liezahala mwa nako yee. Mi Ni hupuzi kuli Ni swanela kunokela mwateni se pili.

<sup>2</sup> Cwale, kwa cisa. Ha lu bati kuina hahulu nako yetelele luli, ki hanyinyani fela. Mi ye kona nako, hañata, linako halili zemaswe, kuli batu ha ba sina kwa kuya hañata. Mi, sihulu, mi kaufela zona li na ni lifukiso za moya mwa libaka, mi ni zeñwi cwalo, ko kuinzi hande. Kambe lu nani zeo, kono ka nako ye haluna sona.

<sup>3</sup> Buñata bwa bashemi baluna ba kale nebaina mwa lizazi. Ha Ni hupula za ku inyaza kwa sicaba ka za ku sa ba ni sibaka sa lifukiso za moya mwahali mo, mihupulo yaka ikutanga kwa Africa kamita ko ne ba lobalanga kwani mwa mañungwa, ni basali bani ni milili yabona inge i kwahezi kwa lifateho zabona, baina mo kucwalo musihali ni busihu, haba nanuhi fa sibaka fo ba inzi; kusina kuca, kunwa, kusina sika kaufela, baina fela ona cwalo inge ba amuhela Linzwi, kamba amabeli, fa ni fa, la Mulena.

<sup>4</sup> Ni hupula kwa Mexico ha ku cisize hahulu, za niti, Ne ni inzi mwa muzuzu ona ni sifukiso sa moya kono inge ni ifukiseza moya, ne ku cisize maswe. Ni kubona sicaba sani ha si taha kwani ka naini kiloko mwa kakusasana, mwa sibaka sesituna sani, mi kusina lipula, za kuina. Batu babakula, kukula luli, babashwa, bakuli, kansa, litombo; ni bahame baba kula, banana, limbututu zeshwa ni lika zeñwi kaufela, bali kuyema fani mwa lizazi lelicisa, kusina muluti kai ni kai, mi ba li kuyendamena yo ku yomuñwi kuzwa ka naini kiloko kakusasana kufitela naini busihu bwani, ka kuteeleza fela ka mizuzu ye mashumi amalalu ka mutoloki, ni kubona misebezi ya Mulena. Baina fani ni kulibelela, ni liapalo zetuna zebukiti, batinanga zani za kutina mwa linako za silami ni mbumbi. Kona fela ze ba nani.

<sup>5</sup> Mi cwale Ni nahana za kulobala kwani mwa mishitu yani, mo ne ba tiseza batu babakula bani, be ne sa koni neba kushenya. Mi wa India, hane ba lobaza batu fahalimwa babañwi, ne ba lobala yomuñwi fafasi yomuñwi fahalimu, yo fahalimwa yomuñwi, ona

cwalo, ni mbingwa ni matuku; ko ne ba ba hohololela, ni fande mwa mikwakwa, ni ku ba lobaza mwa libaka zecisa, zebila luli mwa lizazi. Mwa liñungwa, ni mamonyi a pula, ni zeñwi ze cwalo, ne ba lobala ona cwalo mwa lizazi ni fa moya, ni lika kaufela, mi ne ba shenyi neba kubilaela, fela. . . ni kulika kuswala Linzwi la Mulimu, fa ni fa, sesiñwi sa moyo wa bona. Cwale kiñi ha lu swanela kukupa swalelo kakusasana cwana, inge luna ni situwa fahalimwa litho zaluna, ni ze fukisa moya inge likasha katata? Lu swanela kuikutwa kuswaba haiba lu ka bilaela ka zona.

<sup>6</sup> Kacwalo Na hupula ha ki kale hahulu, mwa sooli sesiñwi, sesiñwi lioli kwani kwa Mawate a kwa Mboela, Ne ni na ni sebelezo kwani busihu bwani. Mi, oh, kwa taha liñungwa. Oh, Na li kuba ni bone fateni liñungwa lelicwalo, neli kumonyeha fela kulikuñwi mwa mulaho wa kokuñwi, kwa monyeha naha kaufela. Ni mo ne ufukela moya kuli likota mane ne li shendama fafasi moya wateni. Na li, “Kihande, ki ya. . . Mwendu ni tubule fela suti yaka, kakuli hakuna kuba mutu kulo kwani.”

<sup>7</sup> Mwa linako zelikani fela mota nyana ya nata fa sikwalo, mi yomuñwi angongota fa sikwalo, aitukisize kuya.

Mi Na buleleala mushimani, na sa koni kubulela Sikuwa, Na li, “Kuna ni yainzi koo nji?”

Ali, “Ha u koni neba kufita fa kaufi liñokolwa ze likani fela,” mwa sibaka sesituna mwa kuyemiseza limota.

Mi Na li, “U talusa kuli sicaba si—si siteni kwani,” Na li, “ni moya ocwana woo?”

Se bali, “Ba bata ku utwa za Mulimu.”

<sup>8</sup> Mi—mi kacwalo Na ya kwateni. Mi nekuna ni likalibe, basizana babanyinyani, ba lilimo zenyinyani, nekusina ya na keketeza ni kuseha zesina tuso, kamba kutafuna cwingwamu, ni kubulela za tunyazi twabona. Linzwi kaufela, ne ba teezeza handende ku Lona; mi kusina kushenya, ne bainzi fela bali kuunda ni kuteezeza. Na bizeza sicaba kwapili, kueza pizo ya kwa aletare, mi likitikiti ba nanuha, ni mioko inge ibuba mwa meto a bona ona cwalo, ni mazoho abona ananuhezi mwahalimu ku Mulimu, kubata sishemo sa mioyo ya bona, basizana babanyinyani ni bashimani, lilimo ze sebentini, eitini za kupepwa. Cwale kutata nyana kuli macembele bakone ku kuteezeza, mwa bona. Si—si bonisa kuli luna hakuna ze luna ni kubilaela ka zona. Tumbo ibe ku Mulimu! Eeni, sha.

<sup>9</sup> Lu kona kutabela kuba ni yona inge zeñwi kaufela za kacenu mwa America, kono haluna yona cwalo; kona kulin lu ka itusisa fela ze lunani.

<sup>10</sup> Cwale, Ni nani taba yenyinyani fa ye Ni tabela kueza mwa tabernakele mo hape. Ki ba bakai babana ni Libibele? Munanule mazoho a mina. Kihande. Ha lu apuleñi mwa Lisamu 99 lu

si ka ba kale ni tapelo. Ne luezanga cwalo, Muzwale Neville, myaha ya kwa mulaho. Ha ni zibi haiba . . . Kana u balile Lisamu kakusasana cwana? [Muzwale Neville uli, “Batili.”—Mu.] Batili. Ni tabela kuli, kopano, ibale Lisamu le.

<sup>11</sup> Kakusasana cwana, hane Ni inzi mwa muzuzu waka mo ni balelanga, inge ni kengeyela fa Liñusa ni Linzwi, Na hupula nali, “Mwa ziba, ku kaba hande kuba—kuba kuli kaufela babale Lisamu. Ni itabela hahulu.”

Libaka le Ni liyehezi nyana, neli pizo yetelele hahulu yene ba ni ngangekile, kuzwa kwa Cheyenne, kona libaka ha Ni liyehile.

<sup>12</sup> Mi cwale, ha lusweli kuapula mwa Lisamu le, Ni nani lizibiso za kueza, ze filwe kuna ona fa. Yani ki Lisamu 99.

<sup>13</sup> “Kuzwa kacenu kuya kwapili, lizibiso kaufela kuama mikopano yeezahala mwa tabernakele moo, ni mwa likundi, li ka zwelela mwa ofisi kwa Jeffersonville. Kaufela ya i takaleza kuziba za mikopano uswanela kutaleleza pampili, kamba kuñolisa libizo la hae ni keyala, ni ku ka beya fa katala kwa mafelelezo a sebelezo busihu boo. Zibiso i ka lumiwa ku mina ka kuitahanela kuli muitukise ku to bateni mwa mikopano yeo.”

Foo kikuli, haiba kuba ni mutu ya bata kuziba ko lu ka bela ni mikopano, luna ni mulao o tomilwe, kwa ofisi kwani cwale, kuli wakona fela kubeya libizo la hao ni keyala faa. Mi lu ka mi lumela kadi, ka kuitahanela, ili kuli muzibe ko ku ezahalela mikopano, mi mane lituto, ni zeñwi zeliteni kaufela, haiba mukona kuba ni kolo. Mwa bona, haiba hamuna sibaka se si swanela ko lizwelela, yomuñwi ubulela se mi yomuñwi ubulela sani, hamu—hamu mu li liutwi, mwa bona. Kacwalo mutuhele fela . . . Muñolise libizo la mina ni keyala ni ku libeya fa, mi Billy Paul uka liinga ni u ka li fa baba swanela.

<sup>14</sup> Cwale, ne ku buzizwe, hape, haiba ku ka ba ni yekana . . . “Muzwale Branham, kikuli ukaba ni lisebelezo za foliso zeñwi mwa tabernakele, ni litemuho?” Batili. Batili. Litemuho li ka fita ki—ki katengo kaluna kakañwi. Luna ni Muzwale Neville fa cwale yana ni mpo ya sipolofita, sipolofita sani fa bakuli si ba zibisanga lika ze ba lukela kuziba. Mi luna ni muzwale wa libizo la Higg- . . . Higginbotham, alimuñwi wa . . . neli musepahali, na sebelize hande mwa katengo. Ha ni mu boni kakusasana cwana, kono yena hañata una ni mpo ya kubulela ka malimi. Ni kalibe yomunyinyani yabizwa Arganbright, kezeli ya lateha yana ni mpo ya kutoloka malimi.

<sup>15</sup> Mi mañusa a abonisa kuli azwa ku Mulimu, kakuli ha li zwangi mwa nzila, li zamaelela fela hande mwa sikuka. Mi limpo zeo halikala kuekeza, lu ka lika ku—ku ba ni . . . kuli lu li beye hande mwa keleke, mwa ku ezeza. Mi Ni lukela ku ba bona cwanoñu, ni kuli—kuli mi—mi mikopano i zamaiswe fela hande mwa mulao wa Mulena, mo lu kona ku li beela hande.

<sup>16</sup> Kono sicaba sesinde se, mo ba bulelela bomuyaha tuko baka, bomusala Bo. Wood, baba beile maikulofoni kwanu, ni tepu kwa mulaho kwani, kuli ba tepiñe mukopano, kuli bakone fela kuba ni mañusa ani, ni ku a ñola, ni kubona haiba ki a niti kamba nee. Mwabona? Kona mo asweli ku atatubela cwalo. Ni ziba musala Bo. Wood kuba musali ya sepahala. Mi usweli ku ni bulelelanga lika zeñata ze bulezwi, hanze li sweli kuezahala cwalo.

<sup>17</sup> Cwale, kacwalo luitumezi ka zeo. Ha ki ku katulula ni koo kuna kwa lapa! Ha Ni taha kwandu, mi. . . Temuho yani ka za sipolofita sa ni katalisaga fela, mi, kabakaleo, Mulimu u ni lumezi batusi ka zeo, ka sipolofita, ni kubulela ka malimi, ni kutoloka, ili sona sipolofita. Zeli, sipolofita, kubulela ka malimi. Kuna ni batu bababeli baba polofita. Alimuñwi wa bulela, yomuñwi wa utwisisa sa bulela yomuñwi ka malimi a sa zibwi, bwani kona bupolofita kaniti. Mi cwale lu kaba ni. . . Lu na ni zeo zazi ni zazi, mukopano kaufela mo o lubanga ni ona ha luna ni mikoloko yaluna ya litapelo mwa mukopano.

<sup>18</sup> Cwale, kuna ni yomuñwi cwale yakona kubuza, kana. . . ka za mpo. Eeni, Ni sa na ni zona. Kono ka nzila yeo, kona fela mo Ni itusisezanga yona, ki mwa lipuzo za kwa mukunda, ze Ni nani cwale. Mi, ku ba amuhela, Ni lumela kuli bana ni zona fa limati za lizibiso kwa mulaho kwani, kukupa tumelelo ni kubeya nako yamina hande, ka Billy Paul, mushimani waka, za kwanu kamba mwa mikopano kasamulaho wa oo. Kwande mwa masimu, kai ni kai, mu swanela kuba ni kadi nyana yeo Billy Paul a mifa. Haiba kuna ni sesiñwi mwa bupilo se mu sa utwisisi, mi ha mu zibi mwa kuzwela mwateni, mi mu bata butali bwa Mulena, kipeto halu. . . Mubone Billy Paul, mwana ke wa mushimani, ili yena muñoli, mi uka mifa ka kadi nyana, ni ku mi ketela lizazi, ka nako yeswanela.

Mi cwale ha lu ka ba ni lipuzo zani, kona kuli yeo ikaba nako ye lu ta yo kena hamoho, wena ni Na. Mi haiba ki basali ba bataha, mu ka ya ni na ni musala ka. Mi ona mu ka. . . Lu ka ziba, ni kubata Mulena ni ku Mu buza ze mu lu kulela kueza.

<sup>19</sup> Cwale, zeñwi, litaba zeñwi zenyinyani ni zeñwi ze cwalo, li filwe ku Muzwale Neville, ni Muzwale Higginbotham, ni Kezeli Arganbright ni babañwi baba bulelanga ka malimi ni kutoloka, babaliteni mwa keleke moo.

<sup>20</sup> Kabakaleo, lu swana inge musipili. Ni lumela kuli neli Jetro, ya na ize ku Mushe zazi leliñwi kuli, mwabona, “Ha lu ngeni babahulu babañwi.” “Mi Moya wa Mulimu wa ziswa ku Mushe ni kubeiwa fahalimwa babahulu ba sebente, mi ba polofita. Kono ki lika zetuna fela ni lika zetata kona ze ne tiswa ku Mushe kihona.” Cwale, ha ki luna bo Mushe, kamba baa kuba babahulu, kono lu sa sebeleza Jehova Mulimu, ka Siita sa Mulilo sesiswana ku luisa kwa Naha ya sepiiso.

Kacwalo, he, eeni, ku kaba babañwi, kukaba mikopano mi ku kaba kutoloka- . . . Litemuho li ka taha. Zeo li ka nifa nako ya kuba mwa litapelo ni kubala, mazazi o Ni ziba a lipuzo zeo fo lika tahela, ni kuba ya itukiselize zona.

<sup>21</sup> Cwale muhupule, Billy Paul Branham, muñoli wa luna wa mwa simu, uka. . . Li fa. . . Limati za lizibiso kwa mulaho kwani, ka basepahali. Nina ni kapepa fa kaka zibahalisa zeo, ni kubulelela batu kuli baswanezi kuipalela zona fa limati la lizibiso, haba zwela fande.

<sup>22</sup> Cwale, cwale, kakusasana wo luna ni tuto yetuna, mi busihu boo lu ka lika kuzwelapili ni yona. Mi, haiba Mulena alata, Sunda yetaha, kukaba zeñwi, ku yona. Ne ni si ka ziba butungi bwa lona kufitela Ni to bala. Mi niteñi i sa li kunutu ku na, ni cwale, mi kacwalo Ni itingile ku Mulena.

<sup>23</sup> Cwale, mina mu na ni Libibele za mina, ha lu apuleni mwa Lisamu 99, 99. Mi Ni ka bala timana ya 1, kopano i ka bala timana ya 2, mi kona lu ka bala hamoho timana ya mafelelezo. Lu zwelepili cwale; na, kiya 2; kopano, kiya 2; na, ya 3; kopano, 4; kuya ku ya mafelelezo, ni cwale lu ka ibala hamoho.

Ha lu yemeñi hanze lu bala Linzwi la Mulimu. [Muzwale Branham ni kopano babala Lisamu 99:11-9 sina mwa taluselize—Mu.]

*MULENA wa busa; macaba a ngangame: u inzi fahalimwa likerubimi; lifasi li kuñe.*

*MULENA ki yomuhulu mwa Sione; mi u fahalimu hahulu a macaba kaufela.*

*Ba lumbe libizo la hae lelituna leli sabisa; ki ya kenile.*

*Mata a mulena ki ku lata katulo ye lukile; ki wena ya tiisa mulao, ki wena ya bonahalisa likatulo ni niti ku Jakobo.*

*Mulumbe MULENA Mulimu wa luna, mukubame fapila sipula fa hatela mautu a hae; ki ya kenile.*

*Mushe ni Aruni neli baprisita ba hae, mi Samuele neli alimuñwi wa baba lapela libizo la hae; Ne ba lapela MULENA, mi na ba utwa.*

*Na ambola ni bona ali mwa lilu ye li yemi nonga: ne ba ya ka litaelo za hae, ni ka mulao wa nabafile.*

*Mi Wena MULENA wa luna, no ba utwa: no li Mulimu ya Na ba swalela, ni ha no ba nata ka zemaswe ze ne ba eza.*

*A mu lumbe MULENA Mulimu waluna, mu mu kubamele fa lilundu la hae lelikenile; kakuli MULENA Mulimu wa luna ki ya kenile.*

<sup>24</sup> Halu inamiseni lito ho zaluna.

Kaniti, Mulena, manzwi a añozwi ni ku silingiwa ki mutang'a Hao, Davida, mwa Lisamu ku Wena. Wena upila mwahala Likerubimi. Wena u ya kenile, mi lilundu la Hao li kenile. A lu sutelele ka lipilu ze lambilwe Mali a Mulena Jesu, ka lizwalo le li kenile, ni ka tumelo ni sepo ya kuli lutaha Fapil'a Mulimu waluna. Sicaba se kaufela kakusasana cwana si ine ka likute. Kwalula lizebe zaluna za kutwisiso. Bulela ka luna, mwa butali, kuli luzibe mo luna ni kuezeza mwa mazazi aa Fapila Hao.

<sup>25</sup> Lu kupa ku Wena, Mulimu waluna, kuli ulu patululele likunutu za litaba zepatilwe ze mwahala myaha, hanze lu atumela iliñwi ya Manzwi, a sephala hahulu. No bulezi ka zona ha No li mwa lifasi mo, mi wali, "Ya bala, a utwisise." Kacwalo, lu taha ku Wena, Mulena, ya musa ni kubata butali bwa Hao, lu sa zibi fela za kubulela. Lu beile Mañolo nyana fa, mi ka swanelo ni ka kutala luitingile ku Wena kwa kalabo, kakuli hakuna mulelo omuñwi kono kwand'a kuziba za hola ye lupila kuyona, kuli lukone kuitukiseza lika zetuna ze li kwapili a luna. Aku Lu alabe zona, Mulena, ka Libizo la Hae Ya lu lutile kaufela kuli lu swanezi kulapela cwana! [Muzwale Branham ni kopano balapela hamoho kuya ka Mateu 6:9-13.—Mu.]

*. . . Ndata Luna Ya kwa Lihalimu, Libizo la Hao libe leli kenile.*

*Ku taha mubuso wa hao. Se si latwa ki wena siezwe mwa lifasi, sina mo si ezezwa kwa lihalimu.*

*Ulufe kacenu buhobe bwaluna.*

*U luswalele milatu ya luna, sina mo lu swalelela baba lu foselize.*

*U sike wa lu kenya mwa muliko, kono ulu lamulele ku ya maswe: Kakuli mubuso ki wa hao, ni mata, ni kanya, kamita. Amen.*

<sup>26</sup> Amu ine. Cwale, haiba ufi wa baana ba ubata ba ubata kutubula koti, mu ikutwe fela kulukuluha. Mi bona ba bayemi kwa matuko, a—a limota, haiba mahutu a mina akala kuopa, kupalañi, muikutwe fela kulukuluha ni kuzwela fande.

<sup>27</sup> Mi cwale, Ni nahana kuli, haiba bana babata ku ya kwa libaka za bona, kamba kikuli ba lukuluzwi kale? [Muzwale Neville uli, "Batili, haba koni. Halukoni kuba ni zeo kakusasana cwana, bakeñisa buñata."—Mu.] Mulisana uli buñata buna ni ni libaka zetezi, konakuli halukoni kuba ni sikolo sa la Sunda sa banana. Mi lu ka taba haiba mina balikani banana cwale mu ka swalisana ni luna, sina kakusasana cwana ha lu na ni, kukalisa ka butuna, Liñusa lelibutokwa leo Ni ziba kuli li ka talusa nto yetuna ku bondataho ni bomaho, ni balatiwa ba mina babaliteni mo, neba limbututu za mina. Kacwalo, lu i atumela ka likute.

28 Haiba Mulena alata, kakusasana cwana lu nga tuto ya lisunda ze sebente za Daniele. Mi kakusasana cwana luambola za Daniele mwa butanga, ni Gabriele ha fufela ku yena ku mu laya ze ne taha kwapili. Mi Daniele ha na sa li mwa litapelo, Gabriele, Lingeloi, ataha ku to mu fa liatelo.

Busihu kacenu, Ni bata kuambola fa musebezi wa maneku asilezi a poto ya Hae, lituto ze silezi ze shutana ze lukela kutisiwa mwateni busihu, za na tezi Gabriele.

29 Sunda yetatama, haiba Mulena uka lumeleza, Ni bata kubonisa libaka ni nako ya Masika a Likeleke Zesupa, ni nako yelili ka zona, ni fo luyemi kacenu. Zeo likaba la Sunda yetaha kakusasana, haiba Mulena alumeleza.

30 Cwale, libaka la se. Ni tisize tupepa nyana kuzwa kwa Mañusa a ka afelile alikani. Mi kakusasana cwana Ni bata kutamahanya, kakuli se siteni fa tepu ye ka ya mwa lifasi kaufela, linaha zeñata. Mi, kamita, libaka le Ni ikutela, ki kuli mwendi yomuñwi uka i utwa tepu ka nako yapili, mi hana kuutwisisa sene Ni talusa ha Ni swanisisa ku sesiñwi cwalo.

31 Se lubile cwale ka likweli inge lubala za Buka ya Sinulo, Sinulo ya Jesu Krete. Lu fitile mwa masika a likeleke. Likauhanyo zetalu za makalelo za Sinulo neli masika a likeleke. Mi Joani wa ngelwa mwahalimu mwa kauhanyo ya 4 ni ya 5, mi aboniswa lika ze—ze swanezi kutaha kasamulaho. Cwale, fa kauhanyo ya 6, u kutela mwa lifasi hape, kubona lika ze ezahala ze ka ezahala kuzwa mwa kauhanyo ya 6, timana ya 1, kufita mwa kauhanyo ya 19 ni timana ya 21. Mwahali mo kutaha Maswayo, ni Likoto, Ncwa, linziye, ni—ni musali mwa lizazi, ni kulelekiwa kwa dragoni yefubelu, kuswaiwa kwa baba handeleti ni fote-foo sauzande, ni litaba ze kaufela.

32 Ye ibile sunda ya kubala kokuipitezi. Maabani, musihali kaufela, Ne ni si ka zwa mwa muzuzu, ne ni lika kubala. Mi ki to yeñwi mwa nako ya mafelelezo, buñata bwa batu ba kale mo, bo Ni lutile, Ni bulezi fela kuli, “Mwahali moo ki mo kuinzi lisunda ze sebente za Daniele,” kono ne Ni si ka lika ku liswala, ku li tatulula hande. Kono ka nako ye, ka muhau wa Mulimu, Ni itamile kuli ni kupe muhau fapila Mulimu, kuli Ni kone ku itisa kwa sicaba. Mi mwahali mo Ni fumana kuli ze Ni sa zibi sika ka zona.

33 Mi, cwale, Ni—Ni bile ni bala buka ya Dr. Larkin, buka ya Dr. Smith, litaba za ñozi Dr. Smith, litaba zeshutana ka zona ze zwile kwa baana kai ni kai, kono niteñi Ni palezwi ku kopanya zabona kaufela kuba hande. Mwabona? Kacwalo, sunda ye Ni sweli kulela ona cwalo, ne ni sweli kupotapota mwa ndu ya libuka kwa Kentucky, fa likalenda zeñwi za baituti ba linaleli ni linako, mi na ikungela mwa libuka zani, ni zeñwi cwalo, libuka za kale kaufela ze Ni kona kufumana, ni zenyinyani kamukana

ze Ni kona kueza, ni kuba ni sepo yaka ka kufelelela ku Jesu Kreste kuli ipatulule kuna.

Kakuli, Ha ni lati kubulela kuli, “Na ziba se, mi Na ziba *sani*.” U ziba pilu yaka. U sweli wa ni teezeza. Kono Na bata cwalo, kuli Ni katuluse sicaba sa Hae, kabakaleo Ni lumela kuli Uka ni fa yona. Ha ni si ka ziba kale, kono Ni sepile Yena kunifa za la Sunda yetaha, kakuli sani si kaba siemba se si tabisa luli, Sunda yetaha, kuziba ni kutomahanya lisunda ze sebente zani.

<sup>34</sup> Ifi ni ifi ina ni sibaka se si shutana. Mi ha ueza cwalo, ukala ku li latelela hande ka kushetumuka, ha lina kutaha hande, ha li tamahani hande. Ha likoni kuba cwalo. Mi, kabakaleo, Ha—Ha kulata hanikoni kuba ni zona hande, kono Ni ka sepa Mulena ka zona.

<sup>35</sup> Mi Na hupula Solomoni nako iliñwi ha na lapela ni kubuza Mulena Mulimu haiba Na ka mufa butali, isiñi za hae, “isiñi kekezo ya mazazi, isiñi bupilo bobutelele, isiñi bufumu,” kono neli kuli abe ni butali kuziba mwa—mwa—mwa kuatulela sicaba sa Mulimu. Mi Mulimu a utwa tapelo ya hae, mi afa Solomoni butali, kakuli neli za sicaba sa Hae. Mi kona libaka ha Ni buza Mulimu kuli ani zibise lisunda ze sebenteze kuli litalusa sikamañi, kakuli Ni ziba kuli kiyona kalenda yeswanela mwa lusika mo lupila. Mi, kabakaleo, Ni bata ku li ziba; ha ki zaka, Ni . . . ha ki zaka. Kakuli, Ni bata ku li ziba. Ha ni buleli ka nzila yeo, “Ha ki za ka,” kakuli Na itakaleza zona luli. Ni bata kuziba, kakuli Ni bata kuziba mo lupila ni nako ye lupila kuyona. Mi, cwale, Ni ziba kuli zani ne li filwe.

<sup>36</sup> Mi babañwi baba shutana ba li alungutile, mi bakuta kutile kuzona. Mulikani alimuñwi, Ne ni sweli kubala, na yo punya ni kwa 1919, ka lisunda ze sebente. Kihande, zani ne si cwalo.

Kacwalo, kasamulaho wa lisunda ze sebente, kasamulaho wa lisuna ze sebente, kaufela li felile. Kacwalo luna—luna haluna . . . Lu bata kuziba Niti. Mi Ni kupa Mulimu kunifa Niti.

<sup>37</sup> Cwale, fa kuli ni tamahanye se hande, nikute kwa mulaho, Ni bata kukutela fateni hanyinyani kwa mulaho. Kacwalo, kabakaleo, litaba zeñwi ze Ni ñozi fa, ze lubile ni zona mwa kauhanyo ya 5, ya 4 ni kauhanyo ya 5, ili kuli sicaba si utwisise. Pili, lusika eza kale se, Ni bata ku itamahanya, ili kuli mu utwe kukala ka 4 . . .

Cwale, muhupule, kauhanyo ya 3 neli Keleke ya Lusika lwa Laodesia, mi Keleke ya ngelwa mwahalimu kwa mafelelezo a Laodesia.

<sup>38</sup> Cwale, Ne ni sweli kutatulla nto yeñwi ku musala ka ka yona. Ne ni inzi ni Becky, mwana ka wa musizana, ni libuka za litaluso za manzwi zeshutana ni lika zeñwi ze ne lufumani. Ha li fi kalabo zeo. Nina ni dikishinari ya Bibe. Ni nani dikishinari ya si Gerike ya kale. Ni—Ni nani ya—ya Websters ni zeñwi zeñata,



lidikishinari za kacenu. Hakuna neba iliñwi ya zona yekona kuba ni . . . kufa manzwi kamba kalabo, ka buino kaufela.

<sup>39</sup> Musala ka naize, “U kulubela cwani kuli sicaba sa luna, seo ili fela sicaba sa babotana, mane buñata bwa bona ha ba si ka ituta sina luna, kuli ba utwisise zeo?”

Na li, “Mulimu uka fa kalabo.”

<sup>40</sup> Hakuna taba kamba itatafalile cwani, Mulimu wakona ku i alunguta kufita fafasi ni ku i nolofaza. Kakuli luna lu . . . siemba sa batu bani baba lakaza, kulapelela lizazi lani ni nako. Mi meto a luna atalimile kwa Lihalimu, mi lu libelezi Kutaha kwa Hae. Mi Ni kolwa hande kuli Uka lu bonisa zona. Cwale, haina ku lu bulelela lizazi kamba nako, kakuli hakua mutu yakona ku i ziba, kono luli uka lu bulelela lizazi la sunda le lupila kulona, haiba fela lukona ku li utwa.

<sup>41</sup> Cwale, mwa kauhanyo ya 4, Joani na ngezwi mwahalimu kapili, kasamulaho wa Keleke. Joani, uya mwahalimu, abona lusika lwa Keleke lolukwanile. Foo kona fo Ni tabela kuyemela, fa muzuzu fela, ni bulele, kuli: batu babañata baba kulubela taba yeñwi yetuna, yeipitezi, mi yemata kuezahala, mwa lusika lwa Bamacaba, bao bafosa luli. Lusika wa Keleke, ni kaufela ze ka ezahala ka nako ya puso ya Bamacaba, li ñozwi mwa Sinulo 1 kuya mwa Sinulo 3, hamoho cwalo. Mi kipeto Keleke ya ngiwa, haili zeñwi za yona, kuisa mwa kauhanyo ya 19, kona ze ezahala kwa lusika lwa Sijuda, kasamulaho wa Keleke imano ngelwa mwahalimu. Mi ki nako ya Nyandiso yetuna, hakuna ze lukela kuezahala mwahala Bamacaba; kwand’a kubulaiwa, ni zeñwi cwalo, sina ha lu ka fita ku zona ni kulibona.

<sup>42</sup> Kono haili Keleke, Kasibili i ile mwa 13. . . fa timana ya bulalu kauhanyo ya Sinulo, Lusika lwa Keleke ya Laodesia ha lufela, lone luli lwa mafelelezo.

<sup>43</sup> Mi ne lungile lusika lufi ni lufi lwa keleke, nako ifi kaufela, taba ifi kaufela ye ne ezahalile, naleli ifi kaufela, mulumiwa kaufela, sibupiwa sabona, sene ba ezize, ni ku litisa hande mwahala za kale kufitela wa mafelelezo, a liswanisa ona fa siswaniso fani, kwa matuko a limota. Mi ha lu yo feza, Moya o Kenile ha utaha mwatani ni kutoeza sikwenda sa nto yeswana fa limota, ni ku to i patulla Iliyena fapila luna ku luna kaufela.

<sup>44</sup> Cwale, ka kueza cwana, Ni sepa kuli kwa mafelelezo a se Uka taha ni sesiñwi se si ipitezi ni kulubonisa hape kuli lu kwa nako ya mafelelezo.

<sup>45</sup> Ki ba bakai ba mina baba utwile za Kennedy. . . Mueteleli wa naha Kennedy likande la hae, manzwi amañwi cwalo? Ki ba bakai baba utwile kuakaleza kwani, kuli ka 1 Sope, ku bulezwi kuli bubeli bwa United States ni Russia likaba fela mufuse? Kona fela ze lu tokwa. Nako se i felile kufita mo lu nahanela. Mwabona? Kacwalo, haiba lu inzi fa kaufi hahulu kuli mane batu ba lifasi le se ba akaleza lika zetuna ze kuli liezahale, kihande

lu itebuhele, lika kaufela libe fela ka kuzamaelela, buipuleli kaufela, lika kaufela lilukile, kakuli ha luzibi fela kuli ki nako mañi yeo Mulena a ta lu biza. Mi Ha fa pizo yakuli, “Taha kwanu upahame,” kihande lu itukise. Mi lika taha mwa nako yeñwi ye mu sa hupuli cwalo.

<sup>46</sup> Ancafazo yetuna ya Pentekota isweli ya fukuzeha cwale. Lwa libona kai ni kai, ki muzamao wa mafelelezo. Liñusa li hasani. Lika kaufela li lukile cwale, za libelela. Keleke se i swailwe. Ba bamaswe se basweli kueza bumaswe hahulu. Likeleke li ba fela ka moya wa bukeleke. Ba bakenile se bataha bukaufi ni Mulimu. Limpo za Moya likala kuekezeha mwa likwata ze nyinyani. Lu kwa nako ya maungulo. Oh, Na lata pina yani ye ne luopelanga mwa keleke.

Ni libelezi kutaha kwa Lizazi la tabo ya mileniamu,  
 Fani Mulen'a luna ya fuyozwi ha ka taha ku to ngela Munyaliwa wa Hae ya libelela;  
 Oh, pilu yaka ya huwa, i nyolezwi kutaha kwa lizazi lelinde lani,  
 Foo Mupulusi waluna ha ta kuta mwa lifasi hape.

<sup>47</sup> Lu libelezi nako yani! Cwale, mwa kauhanyo ya 5 ni litimana za 5, ze lufumani, mwa tuto yefelile, yene luambola fateni kaza Muliululi wa Lubasi, ze ne lu fumani kuli neli Kreste. Ne li li swanize ni Rute: Ruti wa iketela; Ruti wa sebeza; Ruti wa pumula. Kuiketela, neli kukeniswa; kusebeza, ku itukisa iliyena, kukeniswa; kupumula, neli Moya o Kenile, kufitela Mulalelo wa Sinawenga. Ha kibunde ni boo!

<sup>48</sup> Keleke itahile ka John Wesley, kubeiwa baba lukile, kamba . . . Martin Luther, kubeiwa baba lukile; ka John Wesley, kukeniswa; ka Pentekota, kolobezo ya Moya o Kenile; mi cwale, kupumula, u libelezi Kutaha kwa Mulena Hae. Kaswanelo!

<sup>49</sup> Muliululi Waluna wa Lubasi, babahulu ne ba bulela niti ha ba Mu biza kuli Ngunyana, kuli abe Tau, abe muatuli. Na li Ngunyana, mwa ziba, ni Buka ye swailwe ha sebene. Mi Buka ha ne i ngilwe, musebezi wa buyemeli no felile.

<sup>50</sup> Cwale, mwa kauhanyo ya 3, Keleke ne i ingezwi mwahalimu, kono cwale puluso ina ni ku patululwa, ka mo Keleke ne i liululezwi—liululezwi, sinulo ya se ne siezahalile ka nako ya lusika lwa Keleke. Mwabona, Keleke se iile, kacwalo Usweli wabonisa cwale, mwa kauhanyo ya 5, mwa Na li ezelize, se ne siezahalile, mwa Na swaezi Keleke cwalo. Sinulo ya Libizo la Hae; kolobezo ya mezi, kuitusisa Libizo la Hae; Bupilo Bobusafeli; hakuna lihele la Kusafela; peu ya noha; Silelezo ya Kuyakuile; lituto zetuna kaufela, kulemuhelwa kale kwa Keleke ye ne patuluzwi kwa Keleke. U bonisa mo A li ezelize.

<sup>51</sup> Cwale, Muliululi waluna wa atambeka Buka ya Puluso kuzwa ku Muña ayona. Amen! Neli mañi, yelu fumani cwale, yanali Muñi? Mulimu Kasibili. “Mi Ngunyana ataha mi anga Buka mwa lizoho la silyo la Yana inzi mwa Lubona.” Ngunyani neli mañi? Neli Muliululi, Muliululi waluna wa Lubasi, Muliululi kwa Keleke, Yana ti lo liulula Isilaele.

<sup>52</sup> Cwale lu ka kena kuzona kakusasana cwana. Isilaele na liuluzwi, kono ne si za bona, kakuli ne ba Mu hanile. Kono, Keleke ne i amuhezi puluso yabona, mi Yena ki yena Muliululi waluna wa Lubasi. Sina Boazi hana nani ku liulula Naomi, ili kuli Ruti wa mu Moabi, muzwahule, wa Bamacaba, kacwalo Kreste a liulula Isilaele, abeya teñi puluso, mi ya haniwa.

<sup>53</sup> Mwa hupula swalelo, yani ya kile akunupiwa muuna yani, ye Ni ambolanga yani? Ka nako ya ndwa mukowa, hane. . . Na li muuna yomunde. Na sina mulatu, mi ba mu fumanela mulatu. Nebainge kuli, nana ni mulatu, kuti na matile mwa nako ya ndwa. Mi ba mu fumanela mulatu mane a kunupiwa. Mi muua aya ku Mueteleli wa naha Lincoln ni kubulela kuli, “Bo. Lincoln, yoo ki muuna wa Mukreste. Na li ya lukile. Mushimani, Na ziba sicaba sa habo. Na saba fela. Na sa talusi kueza bumaswe. Na matile fela.” Ali, “Bo. Lincoln, li mwa mazoho a hao. Ki wena unosi fela yakona ku mu swalela.”

Bo. Lincoln ba nopa kaemba ka pampili ni siñoliso sa bona, ni kuñola, “Amuswalele mukete wa *Kuli-ni-kuli* yoo. Abraham Lincoln.”

Na matile mwa tolongo, mi ki hali, “Ki foo cwale. Ni ku swalezi.”

<sup>54</sup> Mi muuna ali, “Ha ni lati kotalima fateni. Hakulata nelina ni liswayo lelituna li lona. Nelikaba sika kaufela. Ulika fela ku ni bona bukuba. Ha ki Abraham Lincoln. Mutu kaufela wakona kuñola libizo la hae. Kono ne li lukela kuñolwa ka liswayo la hae, ni zeñwi cwalo, haiba li zwelela ku yena.” Mi muuna a mu hapeleza; neba inge kuli muuna yanali mwa tolongo na hupula kuli na mu eza lisheha, mi aikela fela.

Kakusasana otatama, a kunupiwa. Mi cwale kasamulaho amao kunupiwa mi nekuna ni muzeko mwa kuta, kakuli Abraham Lincoln, lihola ze twenti-foo muuna yani a si ka kunupiwa kale, na ñozi libizo la hae kuli muuna yo u swalezwi. Mi cwale muuso wa mu kunupa, nihakuli cwalo. Cwale cwani? Mi cwale kuta yaba United States, yali, lutaha fa buiketelo likuta zee, bali, “swalelo ha ki swalelo ha i sa amuhelwi kuba swalelo.”

<sup>55</sup> Mi Jesu a liulula Isilaele fa Kalvari. Kono ne si swalelo ku bona, kakuli ne ba si ka a i amuhela uba swalelo. Kono, mwa tuto yaluna cwale ka za lisunda ze sebente ze, lufumana kuli ne ba kutile ku to amuhela swalelo yabona. Kono, A liulula Keleke, mi lwa swalelwa kakuli lu amuhezi Mali a Jesu Kreste kuba swalelo yaluna.

56 Cwale, lu fumana kuli Nali Muliululi waluna wa Lubasi, mi Anga Buka mwa lizoho la Muña yona wa makalelo. Ki pampili yepaka sika kwa puluso. Lu fumani ona cwalo. Mwahupula palo yeo kana? Ki pampili yepaka sika sa puluso. Ki pampili yepaka sika, yeo Mulimu na bata bupilo ka lifu, mwa simu ya Edeni. Mi, Jesu, yena Ya lukile, a shwa ni kunga buka ya litifo, mi akona kumamulula Maswayo ateni, apatulula se neli ku Ona; mi afa buswa, bo ne buli bwa Hae, kwa sicaba sa Hae. Bupilo Bobusafeli, ya Na fumani ka kueza cwalo, Na file Bupilo bwa Hae Tota kwande, fa Kalvari, mi abuaba mwahala luna ka Moya o Kenile. Amen! Hakuna mutu (kokutokwa) ya konile kunahana neba za lilato lani mo ne libezi, sa Na ezize!

57 Satani, yana i bulukile nako yeñwi bakeñisa kuwa mwa simu, u tamilwe ni kunepelwa mwa Lisa la Mulilo. Mazazi a hae a felile.

58 Jesu, mwa Evangeli, kuna ni likalulo zene. Lu lemuhiile cwalo. Mwan'a Davida, muca sanda kwa Lubona; Mwan'a Abrahamama, mushemi wa bulena; Mwan'a mutu, muca sanda kwa lifasi; Mwan'a Mulimu, muca sanda kwa lika kamukana. Mushemi wa bulena!

59 Mwa Testamente ya Kale, libyana neli sakoni kuba—ku bulukiwa kufitelela myaha ye mashumi aketalizoho. Ne li sike za amuhiwa ku muñ'a zona tenyene konji kasamulaho wa myaha ye mashumi a ketalizoho. Mi ka lizazi la bu fote A lifa tifo. Ka lizazi la bu fifite, puluso ni mata anali a Keleke, ana latehile mwa simu ya Edeni, ya liululwa kukuta, ni ku lumelwa ku luna ka kolobezo ya Moya o Kenile, ka lizazi la bu fifite.

60 Mi se lu talimisisa se, litapa. Lwa nga matapa, mo ne li fezwi litapa le mwa lizoho la Hae. Kuli mane Jeremia, mwa Jeremia 32:6, mwan'a munyana bondatahe, Hanameele, na mu siyezi buswa. Mi ne ba ya mwa butanga. Zeo, luya ku zona, ni yena, kakusasana cwana: butanga. Mi ya bulukiwa mwa sibyana sa lizupa; kubonisa kuli mata a Mulimu, ni matapa a likunutu za Mulimu, ya zibiwa, mwa pilu. Mulelo waluna wa puluso, sibyana sesiswana ne si beilwe mwa lizupa, Libizo la Jesu ni sinulo.

61 Lu fumana cwana kuli ye neiswailwe ka Maswayo Asupa, mi Liswayo lifi kaufela ne li tamilwe kupotoloha. Mi sina sinulo ha ne itaha cwalo, A comola Liswayo, ni ku tamulula se ni kubala sene li bulela Liswayo lani. Ki Ha mamulula ni lelitatama, litapa, ni kubala sene li bulela Liswayo lani. A mamulula lelitatama, a li comola ni kubona sene li bulela Liswayo lani, ni seo sinulo yatani neili yona. Ao kona luli Maswayo aluna Asupa, ao lu ka kena kuona cwanoñu fa, lwa sepa, kuli lukaba cwalo. Liswayo ni liswayo, ha li mamuluzwi kwa Buka, li ka tatululwa, mi seo si ka bonisa handende se ne singile sibaka.

62 Lu fumana kuli kuna ni “sebene,” faifi mulelo wa puluso. Faifi ki nombolo. Mi kuna ni ma sebene a faifi: Maswayo

Asebene, Mioya Yesebene, mangeloi asebene, Litolombita Zesebene, ni masika a likeleke zesebene. Kacwalo, mwa bona, ma sebene a faifi ki muhau. Faifi ki muhau, mi sebene ki kupetahala. Kona kuli lisweli fela kuzamaelela hande, mwabona. Ku lukile.

<sup>63</sup> Inge, Liswayo lifi ni lifi li abiwa mwa Linzwi la Mulimu, li patulula ku mutu wa lusika, lusika mo lupila, moya wa lusika, keleke ya lusika. Sinulo 10, kwa mafelelezo, lu fumana cwale Liswayo la mafelelezo ha li mamulwa, lu fumana Lingeloi inge liyemi ni luhutu leliñwi fa likamba, mi leliñwi fa liwate, ni mazoho a lona linanulezi mwa Lihalimu, ni nambwamutalati fahalimwa toho ya Lona, inge li konka ka Yapila linako ni linako, kui nako i felile, foo ki fa Liswayo la mafelelezo. Mi mu libelele kufitela lukena mwa Maswayo ani ni kubona Liswayo lani ko liinzi.

Kasamulaho mufumana lisunda ze mashumi asupile, kuzwa foo mubone ko kuna ni Maswayo haize, “Nako se ifelile,” puluso ifelile, Yena cwale sa li Tau ni Muatuli. Ki Mupulusi wa hao kakusasana cwana, kono zazi leliñwi Ukaba Muatuli wa hao.

<sup>64</sup> Yabu 8 kuisa ku ya 1 . . . timana ya 14 ya kauhanyo ya 5, ipatulula nako ya lapelwa Ngunyana, bubeli bwa mwa Lihalimu ni lifasi; Buka yeswailwe maswayo a sebene, ki Muliululi wama Lubasi. Mi kuzwa fa timana ya 8, kuya fa 14, Mangeloi a Mu kubamela, babahulu ba Mu kubamela, Libupiwa za Mu kubamela. Mi Joani a Mu kubamela hahulu kufitela abulela kuli, “Sibupiwa kaufela mwa Lihalimu, mwa lifasi, mwatasa lifasi, za ni utwa hanili, ‘Limbuyoti, kanya, puso, butali, mata abe ku Ngunyana.’” Nako ya ku kubamela Mulena yena Ngunyana. Cwale, Keleke iile, muhupule.

<sup>65</sup> Cwale ha lu apuleñi ku Daniele, ni kauhanyo ya 9, mi ni litimana za 1 kuya fa 3. Mi cwale lu ka nga ni ya 20 kuisa fa 27, kakuli ye ki tapelo fela ya Daniele. Ni bata ku ibala hande, mwahala bisi, cwale, kufitela mu li utwa.

*Ka mwaha wapili wa kubusa kwa Dariasi mwan'a . . . wa lusika lwa Mamede ya na beilwe mulena wa mubuso wa makalade;*

*Ka mwaha wapili wa puso ya hae Na Daniele . . . - nayema, na lemuha ka kubala mwa libuka kuli palo ya . . . myaha, yeo Linzwi la Mulimu ne li tile ku mupolofita Jeremia, kuli munzi wa Jerusalema no na ni kusiyala ushandaukile ka myaha ye sebente.*

*Cwale (ye tatama) Na nanulela meto aka ku Mulena Mulimu, ni ineele kulapela ni ku kupa, ka ku itima lico, ni kuapala masila a masaka ni kuina mwa mulola:*

*. . . Na lapela MULENA . . . Mulimu waka, na bulela milatu ya luna, . . .*

66 Mi cwalo cwalo wa zwelapili, kufitela cwale lufita fa timana ya 20. Ka kubuluka nako, sicaba si yemi, Ni bata kuli mukitimele fa 20, konji lufite fafasi cwale fa timana ya—ya 20.

*Ha ne Ni sa bulela, ni lapela, ni ipulela lifoso zaka ni lifoso za sicaba sa hesu sa Isilaele, hane ni sa tahisa litapelo zaka ka buñata fapila MULENA Mulimu waka kabakala lilundu le likenile la Mulimu waka;*

*Ibo, ene Ni sa bulela ka tapelo, Gabriele muuna, yene Ni boni sapili mwa pono, kiha. . . akufa kufufela ku na, ka nako ya sitabelo sa manzibwana.*

*A ni zibisa, abulela ni na, mi ali, Mawe Daniele, Ni tile cwale ku kufa kutwisiso ya litaba zeo.*

67 Kucwani kambe ne lu liteni kwani! Kana na Mu fumani cwani? Mwa tapelo.

Lingeloi, “ki mutu.” Mu lemuhile, na Mu bizize kuli, “mutu.” Mi kakuba wa . . .

*Mi ha ne ni kala fela kulapela i kukupa, (ni kutaha ku yena kuli azamaye), mi Ni ti lo ku taluseza yona; kakuli u ya latiwa hahulu: haiba. . . mi he u tokomele taba, u utwiseze pono.*

*Fahalimwa sicaba sa henu ni fahalimu a munzi o kenile, kamba munzi, za kuli nako yeo kusaipeya kufele, . . . sibi si takulwe, bumaswe bulifiwe, ku tahiswe kuluka ko kuina kamita, ku tiiswe pono ni bupolofita, mi kutozwe sisa se Sikenile hahulu.*

Ki ao foo mabaka a hae asilezi akutaha kwa Hae. Cwale amutalime.

*Cwale, kabakaleo, uzibe taba mi u i utwiseze, (cwale amuteeleze) kutuha kwa taelo yebulela kuli Jerusalema u ka zuswa u yahiwe. . . Mesia yena ya Tozizwe ku ka fita lisunda ze sebene, . . . ni lisunda ze sikisite tuu: mi munzi uka zuswa sinca, ku yahiwe mapatelo, ni makwakwa a ona, kono ikaba mwa linako za manyando.*

*. . . hakufelile lisunda ze sikisite tuu Mesia uka bulawa, ku si na mutu ya ka muyemela: mi sicaba sa mulena yomuñwi ya ka taha—mulena yomuñwi ya ka taha. . . si ka sinyu munzi ni ndu yekenile; kono mulena yo uka fela inge ya kukiswa ki muunda, . . . ku se ku lelihwe kuli kushandauka ku be teñi kuisa kwa mafelelezo a ndwa.*

*Mi mulena yoo uka iswala bulikani (amuteeleze) ni babañata ka sunda iliñwi, iliñwi ya lisunda ze sebente zeo: mi fahali a sunda u ka yemisa matabelo ni. . . ni linubu, mi ku ka bonahala ze masila kubonahale ni sisinyi se si shandaula, ku fitele mane nako ni taelo yakuli buhali bu sululelwe sisinyi.*

68 Cwale, ki yeo foo tuto yaluna ya mikopano yaluna yemilalu, yemine, yeketalizoho yetatama, kaufela sa ka patulula Mulena. “Lisunda ze sebente.”

69 Cwale, Ni ka kupa Doc, haiba u ka tabela, busihu boo, kuli abeye limati laka fani, kuli Nikone ku li swanisa fateni. Hani lati kuli mu li mbwinje. Cwale mu lukela kubala nina hamoho, ni kubala katata luli mwa butungi, kamba mu ka li mbwinja. Mi Ni bata ku i swanisa fona fa limati lelinsu leo, mi mutahe ni lipotoloto za mina ni pampili mi muñole mazazi ao, ni linako, ni zeñwi zateni kaufela.

70 Cwale, lishunda ze sebente za kalisa (cwale amutwe taba yee) kasamulaho Keleke i ma no ngiwa. Cwale, kaufela ya utwisisa cwalo mubulele, muli, “Amen.” [Kopano ili, “Amen.”—Mu.] Cwale, kasamulaho Keleke i ma no ngiwa.

71 Sinulo 6:1, kuisa Sinulo 19:21, litamahani ni lisunda ze sebente, kabakaleo lu swanela kuyema pili mi lu tatulule, lu si ka zwelapili kale. Lu swanela kuyema fa lu tatulule libaka la lisunda ze sebente zee. Kakuli, haiba mu sa ezi cwalo, mu ka lyanganisa Maswayo ani, mu ka lyanganisa Litolombita zani, mu ka lyanganisa Manaka ani, Likoto zani, mioya yemilalu yani ye masila yeswana inge limbotwe, Lincwa zetalu zani, kulelekiwa kwa dragoni ye fubelu, musali mwa lizazi. Mu ka li mbwinja kaufela, haiba mu sa tokomeli, kakuli li ezahalela ona mwa sunda ya bu sebente yee. Kona mo li ezahalela.

72 Cwale, mupolofita Daniele nabile mwa Babiona ka myaha ye sikisite-eiti. Mina mutabela kutalimisisa litaba kwapata ni kwa mulaho, ni kuli musike mwa sinyo nako, ye Ni lukela ku—ku apula ni nibata. Myaha ye sikisite-eiti! Na ile mwa butanga ka B.C. 606, mi cwale pono ha itaha ku yena neli ka—ka B.C. 538. 538 kuzwa mwa 606, kalabo ki sikisite-eiti. Myaha ye sikisite-eiti nabile mwa Babilona, mwahala bahedeni, kono niteñi nana ni tulo. Amen. Luna halukoni kuina hola.

73 Kono yena nabile mwahali a zona luli, kusina mutu kwande a balikani babalalu, mi bona nebali mwa libaka zeshutana za mubuso. Kono, Daniele, na yemi anosi ni Mulimu, akumalela kwa tulo ka myaha ye sikisite-eiti. Munahane ka zona! Ha ni lati kukala kukutaza, kakuli ye ilukela kuba sebelezo ya kuluta Liñusa. Kono, myaha ye sikisite-eiti, na nza bulukile tulo mi na sa i silafazi, fapila Mulimu; kusina kolobezo ya Moya o Kenile, kusina Mali a Jesu Kreste ana lukela ku mu lapelela kwateni; neli fela mali a lipoho, ni lipuli, ni litole, za na nani kufa taleka kwa mukunda, bakeñisa lizo za mwa naha ya mahedeni. Ne ba isizwe kwani. Jeremia na polofitile ka zona, kuli ne ba ka yopila kwani.

74 Cwale, Daniele, oh, mawi, na sa kala kubona kuli nako iya isutelela, inge fela mo lubezi kacenu. Daniele akala “kulemuha,” mi ali, “neli ka kubala mwa libuka.”

*Mi ka mwaha wa pili wa puso ya...Daniele... mwaha wa puso Na Daniele na lemuha ka kubala mwa libuka palo ya...myaha, kabakaleo...linzwi la MULENA la taha ku Jeremia mupolofita, kuli myaha i petahale mwa...butanga ka Jerusalema.*

<sup>75</sup> Jeremia, mwa B.C. 606, akile apolofita, bakeñisa libi za bona ni kutokwa bumulimu, kuli ba kayona kwani ka myaha ye sebente.

<sup>76</sup> Mwa hupula, nekuna ni mupolofita yomuñwi ya na tile zazi lani. Ha ni sa hupula libizo la hae cwale. Ni ka mi hupulela lona mwa—mwa mizuzu yelikani, haiba Ni ka kuta kwa mulaho fa nako nyana. Kono ayema mi ali, “Jeremia, ubulela buhata. Mulimu uka buluka fela Isilaele kwani ka mazazi amañata luli, amañata luli, ikaba myaha yemibeli.”

<sup>77</sup> Jeremia ali, “Kube ona cwalo. Amen.” Ki hali, “Kono libelela fa muzuzu. Wena ni Na ha lu libelele, kakuba bapolofita.” Ki hali, “Hupula, kubile babakile ba polofita sapili kuluna, mi ne ba bulela litaba za buhata. Mi Mulimu abafa koto ka kubulela litaba za buhata. Kacwalo, ha lu be ni niti. Kono Mulena Mulimu u ni bulelezi kuli ikaba myaha ye mashumi asupile.”

Mulimu anata mupolofita wa buhata yani, ni kunga bupilo bwa hae ona mwaha oswana wani, kakuli Mulimu na bulelezi mupolofita wa niti yoo kuli neikaba myaha ye mashumi asupile.

<sup>78</sup> Mi Ni bata kuli mulemuhe moo Daniele, ni ha nali muzwahule, ibo nali kwahule ni sicaba sa habo, nali kwahule ni keleke ya hae, kusina neba sebelezo iliñwi ya keleke, kusina neba keleke kwa kuya, kusina neba lipina ze ne opelwa konji za na ikopelelanga anosi, mwahali a zeo kaufela, na sa swalelezi ku sa na bulezi mupolofita. Amen! Amen!

<sup>79</sup> Kusina keleke kwa kuya, kusina mutu wa kuambola ni yena; mañi ni mañi kaufela naya kwa litempele za mahedeni, mañi ni mañi na lapela milimu ya maswaniso. Kusina lipina za Bakreste; hakuna ya na lumela lika za na eza. Mi ma myaha ye sikisite-eiti, kuzwa ku mucaha wa myaha ye twelufu, ye foutini ya kupepwa, nako ya isiwa kwani, a kumalela ku Mulimu ka niti; mi autwisisa litaba ka mupolofita Jeremia kuli mazazi na atumela kukwana.

Zeo mo likona kulemuseza pilu ya mupolofita ufi kaufela wa niti wa Mulimu, kuli litalima kwa mulaho ni kubona sa na bulezi mupolofita, ni kuziba kuli lu kwa nako ya mafelelezo.

<sup>80</sup> Ki hali, “Na lemuha ka libuka za Jeremia, muzwale waka, myaha ye miñata ñata kafoo, a polofita kuli Isilaele u ka ina kwani mwaha ye mashumi asupile. Mi nako yani seili bukaufi ni kukwana.” Mi a itukisa. Mi akena mwa kuitima lico, mane a i kenisa, mi cwale...mufuse ni kuapala masaka, ni ku i fukulela ona kwa toho, mi aitima lico ni kulapela, kuli autwisise lizazi lene ba pila kulona.



<sup>81</sup> Mi haiba Daniele, mupolofita wa Mulena, a lwaha libuka za Jeremia, ni ku mutisisa mwa sibaka sa kuli; neba Isilaele kukuta kwa hae, kaufela bona inge bapila, ne ba zwa mwa Babilona, kukutela mwa naha ya habo, za mutiseza kuitima lico ni kuapala masaka ni kuitoza mufuse. Kana li lukela kueza zekuma kai kwa Keleke ya Mulimu yapila, ka kuziba kuli nako iya ifela mi hakusana nako yesiyezi; ni Kutaha kwa Mulena Jesu Krete, ni Mileniamu yetuna ye libelezi kutaha! Lukona kuina cwani inge lusinya nako, kuakaleza, kutapa ni kubapala la Sunda, mi kusina nako ya Mulena? Kushetumuka fela cwalo. . . Haiba mulisana u ambola taba isili ye mu sa lati, mwa nanuha ni kuzwela fande. Mi haiba ke—haiba keleke ika ina nako yetelele, kupalañi, muka—muka, muka—muka ikutwa ku filika. Amutalime buino bwa luna. Mutalime se lueza.

Mubapanye bupilo bwa luna ni mupolofita yani. Muuna alimuñwi, mwa mubuso o kwanile hande, asina keleke kwa kuya, mi asina neba mutu wa kuya kuyena. Ne li sinyehile ni ku cisiwa fafasi; munzi wa habo, sicaba sa hae sa swaliwa mwa butanga. Myaha ye sikisite-eiti! Sikisite-eiti, sikisite-naini, sebente; nana ni myaha yemibeli ye ne siyezi. Kacwalo ha kala kubala mwa buka ni kubona kuli nako ne se isutelela fa kaufi, kuli ikwane, aya ku Mulimu mwa tapelo, kuli abatisise ka zona.

<sup>82</sup> Ki nako yecwani! Lu eza sikamañi? Kanti, “Linaha za ikaba; mawate a bayaula; lipilu za batu za ikalelwa ka sabo yetuna; ki nako ya ñalelwa.” Litaba ze kaufela, muñolo u fa limota. Lindwa za mikowa; mifuta ya bumaswe kaufela yesweli kuezahala mwa lifasi; ni likomano, ni lindwa, ni mizeko. Mi lilwaniso za lipahekilwe, naha iliñwi yani yelikana Cuba kwanu yakona kusinya lifasi mwa mizuzu yelishumi. Mi bona inge ba ikomanisa, baana baba sa zibi za bulapeli baba sa zibi Mulimu ni kuziba mata a Hae.

Mi Moya o Kenile mwa Keleke, unzo zamaya mwahala Baketwa, kubonisa inza Iponahaza iliyena kuli wapilia kasumulaho wa myaha ye likiti zepeli, kuli Wa swana maabani kacenu, ni kuyakuile. Lukona kuina cwani ka bunya ni kulondotoka? Lukona ku mata cwani fahalimwa zona? Nako ye ne lu tatuba, lu libelezi hola tuna yani kuli itahe.

<sup>83</sup> Cwale, abala mwa Jeremia, kauhanyo ya 25. Ha lu apuleñi mwa mwa Jeremia kauhanyo ya 25 ni kubala za na bulezi Jeremia. Mane, ha lu kaleleñi fa timana 8, kakuli ki. . . Ni bata kuli mu i kutwele zona luli. Timana ya 11 kona fo Ni ñozi fafasi kuli lubale, kono ha lu kaleleñi fa timana ya 8.

*Kabakaleo MULENA wa limpi; . . .*

Na lata fela seo. Ha ni utwa mupolofita ayema ni sali KISONA SA BULELA MULENA MULIMU, muzwale, zeo ki zona. Ku na, ao kona mafelelezo. Zeo kona kaufela zona.

*. . .sa bulela MULENA wa limpi; Kakuli ha mu si ka utwa manzwi aka,*

*Amubone, Ni ka lumela ni nge mishobo kaufela ya kwa yakwa mutulo, kubulela MULENA, ni yena Nebukadinezare mulena wa Babilona, mutang'a ka, mi ni ka ba tisa hape. . .ku to lwanisa naha ye, ni ba ba yahile mwateni, mi ni ka lwanisa ni macaba kaufela a mwa matuko, ni ba yundiseleze, . . .*

Muhupule, bani neli baketwa ba Mulimu bao Asweli kuambola za bona. Bani ne si bazwahule ku za bulapeli. Bani neli ba siemba sa keleke.

*Kwand'a zeo Ni ka kuzisa kubona, . . .lilata la tabo ni la mikiti, (inge fela mo lubezi kacenu, kaufela ki za rock-ni-roll, Ricky and Elvis,) mi, oh, linzwi la munyali, . . .linzwi la nyunyuvani. . . kamba, munyaliwa, nitaluse, ni mulumo wa licwe ka kubelela, . . .ni liseli la lumonyi lwa mwa lambi.*

*Mi manaha a kaufela a kaeziwa matota, . . .*

Mu utwe mupolofita yo ha huwa kuli, “Manaha a kaufela akaeziwa matota!” Mi isi ku likanyisa mutanga yomutuna wa Mulimu yoo, kono Ni polofita kuli naha ye kaufela i ka eziwa matota. Mulimu uka nata naha ye ka libi za yona. Haiba Mulimu na si ka tuhelela Isilaele, yena muketwa wa Hae, Peu ya Abrahama, ba Na itamile bulikani ni sepiso ka bona, haiba Na si ka ba tuhelela kuzwelapili mwa bumaswe bwabona; ni ha nebali ba bulapeli mwa butungi, nebana ni likeleke zetuna, ni baprisita, ni baluti; kono kakuli kabakala butanya ni lika zeñwi mwahala bona, mi Mulimu abona kuli ba kutula se ne ba cezi, kacwalo ki mo lu ka kutulela ni luna. Fa timana ya 11:

*. . .manaha a kaufela a ka eziwa matota, ni. . .nto ye komokwa; . . .*

Fo kikuli, mañi ni mañi utalima fela ni kubulela kuli, “Ki bani cwale. Neli babatuna hahulu. Amuba bone cwale.”

*. . .mi macaba ao aka sebeleza mulena wa Babilona myaha ye sebente.*

Yeo ki nako ya bupilo. Foo kona bo maho, ba macembele ha ne ba sali fela mbututu. Nebali kwani kusina Mulimu, kusina keleke, kusina pina, kusina sika kaufela, ka lusika kaufela lolutezi, kufitela lusika lwa sibi kaufela ha lu shwa kuyunda.

*Kono ku ka ba kuli myaha ye sebente i sa fela fela, Ni ka nata mulena wa Babilona, ni sicaba sa hae, kubulela MULENA, ka bumaswe bwa bona, ni nate ni naha ya Makalade, ni ifetule lihalaupa ku ya ku ile.*

*Mi naha yeo Ni ka itahiseza se si bulezwi mwa manzwi a Ka kamukana, ona manzwi kaufela aňozwi mwa buka ye, apolofitilwe ki Jeremia fahalimu a sicaba kaufela.*

*Kakuli ni bona—bona ba ka beiwa kwatas'a macaba a mata ni malena amatuna: mi Ni ka bafa mupuzo . . . ka kuya ka mikwa ya bona, ni ka manzwi a bona ka misebezi ya mazoho abona.*

*Kakuli sa bulela MULENA Mulimu wa Isilaele kuna ki se; Nga sinwiso se sa veine ya buhali bwa ka mwa lizoho la ka unwise macaba kaufela, a Ni ku lumela ku ona, mi ba ka nwa.*

Ka manzwi amañwi, “Jeremia, Ni ku file liñusa le. Usike wa ina ukuzize. Usike wa ina mwa sibaka silisiñwi, kono polofita kwa manaha kaufela.” Kikuli mwa latelela? [Kopano ili, “Amen.”—Mu.] “Polofita kwa linaha. Bonisa lisupo za Ka ni ze komokisa, mi bazibe kuli Ni taha ku to eza cwalo.”

*Mi ba ka nwa, ba tantalike, mi ba pulumuke, kabala linzwi lilumo le Ni ka ba lumela.*

<sup>84</sup> Ki sikamañi se baeza mwa lizazi lona lee? Ba ku biza kuli—kuli mupolofita wa buhata, mi kuziba kuli—kuli mukeshibisi, ba kubiza kuli—kuli mufitelezi wa tumelo, mulauli, kamba muloli wa litolo, kamba mufuta omuñwi wa mutu ya akaleza litaba. “Ba ka pulumuka!” Mi linzwi lakuli *kupulumuka*, haiba mu ka li tatulula hande, litalusa “kutakana.” “Bona mane ba ka takana, ni kubulela kuli, ‘Ah, musike mwa mu iseza ngana mupikuluhi ya kenile yani, bukuba bwnai,’ kabakala Linzwi le Ni ka ba lumela.”

<sup>85</sup> Mwa bona za kale ha likutela hape? Jeremia na sa lumelelani ni Bafarisi babona, Basaduki, Baheroda, kaufela sene bali sona. Yena, na tatuluzi fela Linzwi kihona, mi La ba lyanganisa kaufela ba mu nyemela. Sikamañi? Cwale mulemuhe.

*Mi cwale Na nga sinwiso mwa lizoho la MULENA, na nwisa macaba kaufela, . . .*

Jeremia na si ka itulela kwa ndu. Jeremia na si ka ina fela mwa sibaka silisiñwi nyana cwalo, kono a kolwisa manaha kaufela kunwa.

*. . . kaufela a ni lumile MULENA ku ona:*

<sup>86</sup> Jeremia anga Linzwi la Mulena, veine ya Linzwi la Hae. Mi veine ki mata a Linzwi la Hae. Veine ina ni mata. Veine ya kola. Veine ina ni mata mwa mulaho wa yona. “Mi Ni ngile Linzwi la Mulena,” kubulela Jeremia, “mi a Li bonahalisa. Veine, mata ali ku Yona, Ni a bonahalize fapila bona, mi ha ba si ka Li utwa.”

Mulimu naize, “Cwale Ni ka ba luma mwa Babilona ka myaha ye sebente.” Kona fela sa Na ezize ona cwalo. Babalukile ni baba sika luka ba ya, hamoho.

<sup>87</sup> Cwale, lu kutele kwa tuto. Daniele nasweli kubala. Munahane fela, Daniele na balile Manzwi aswana o lusweli kubala kakusasana cwana. Daniele nabalile Bibebe yeswana, manzwi a lifelwa ze swana, mibamba ye swana, lika zeswana

ze Ni eza, ka tuso ya Mulimu, ze ni ka mi balela mwa Mañusa nyana atatama, nto yeswana, ku mi bonisa kuli lu kwa nako ya maungulo.

Mi Daniele, ka kunga Linzwi ku Jeremia, aya kwa Babilona. Mi na li mupolofita ya tozizwe. Mi aeza limakazo, lisupo, na toloka malimi a za zibahali, ni kueza lisupo ni ze komokisa mwahala bona. Ibo, nayemi anosi, ka yena anosi! Amen! A yema anosi.

<sup>88</sup> Kono Jeremia na ñozi Manzwi a myaha yemiñata, ñata kwa mulaho. Mi Daniele, atoloka Linzwi, aba... “Ali, cwale mulibelele fa muzuzu. Lu taha kwa maungulo a nako, kakuli se Ni bile kwanu ka myaha ye sikisite-eiti. Mi mupolofita wa Mulena,” amen, “muzwale waka, mupolofita wa niti wa Mulimu ya na iponahalize kuba mupolofita, na lu polofitezi. Ni na ni zona liñozwi mwa buka mo, li ize, ‘myaha ye sebente i ka yo fela.’ O Mulena Mulimu, lu sutelezi kwa maungulo. Masika ani kaufela sa shwile. U ka eza sikamañi cwale, Mulena? U sepisize ku lu lumela...” Mi aina hande ka tokomelo, ku lapela.

<sup>89</sup> O Mulimu, haiba ku kile kwa ba nako ye lu na ni kuina hande ka swanelo, ni kulapela, ki cwale. Kakuli, luna ka kuba batanga ba Hae ba niti, lwa bona, ka Mañolo a muapositola, ka litemuso za Moya o Kenile, kuli lu mwa lizazi la mafelelezo. Moya o Kenile wa bulela, “Kuli mwa mazazi a mafelelezo, batu i kaba ba ba itumbaeta, baba ikuhumusa, baba lata hahulu minyaka kufita Mulimu, babasina lilato la taho, baba seba batu ka buhata, baba sina buiswalo, baba toya batu babande.” Na utwisisa ka Liñolo.

<sup>90</sup> Mi Ni utwisisa kuli ku ka taha basomi, mwa lizazi la mafelelezo. Ni utwisisa kuli naha i ka lwanisa naha yeñwi, ka lizazi la mafelelezo. Ni utwisisa kuli ku kaba mandinda kubayula mwa mawate, mwa lizazi la mafelelezo. Ni utwisisa kuli ku kaba zesabisa, inge zefufa, mwa mbyumbyulu, lika ze komokisa, mi lipilu za batu lika mbemuka ka sabo. Ikaba nako ya ñalelwa, ni nyewanyewa kwa sicaba. Ni balile kuli kaufela ba ka kena mwa tutengo ni likopano, mi ba ka swalisana, ka lizazi la mafelelezo. Ni utwisisa kuli basali ba ka beula milili yabona ka lizazi la mafelelezo. Ni utwisisa kuli ba ka apala liapalo zekuswani, ni kuzamaya ni makatulo a masito amatelele, ni kuliza tulangu habanze ba zamaya ka lizazi la mafelelezo. Ni utwisisa kuli buiswalo ñnu ka kusufala hahulu ka lizazi la mafelelezo. Ni utwisisa kuli bakutazi bakaba balisana ba buhata ka lizazi la mafelelezo, baba ka keshebisa, mi habana kufepa sicaba Linzwi la Mulimu, kono ba kaya ka lituto za litumelo ni litaba zeñwi, fela. Kono Ni utwisisa kuli ku kaba Linzwi le li ka taha mwa lizazi la mafelelezo, le li ta huwelelza mwa lihalaupa, le li ka biza sicaba kukutela kwa Liñusa la makalelo, kukutela kwa litaba za Mulimu. Ni utwisisa, ka Buka, kuli litaba zeo li ta ezahala.

91 Ni utwisisa kuli mwa mazazi a mafelelezo ku ka taha lukupwe. Likeleke li ka swalisana hahulu, ni kuina hande ni lika kaufela, kuli mwa mazazi a mafelelezo ku ka taha lukupwe, mi haina kuba tala ya buhobe ni mezi fela, kono ikaba ya Linzwi la Mulimu la niti. Mi sicaba si ka zamaya kuzwa upa, kuya kwa wiko, kuzwa mutulo, ni kwa mboela, baba bata kuutwa Linzwi la Mulimu la niti. Kono haili likeleke li ka swalisana ni ku tamahana, kuli li ka palelwa ku Li utwa. Ni utwisisa zeo ka Libuka. Kono, ka lizazi leo, O Mulimu, ku kaba Mutai o ka zuha wa Davida.

92 Ni utwisisa kuli U ka luma Elia lizazi lani li si ka fita kale kwa nako ya maungulo, mi ukaba ni Liñusa le li ka fetula lipilu za bana kukutela kwa bashemi, ku ba kutiseza ku za makalelo, kukutela hape kwa mafelelezo, ni kukala. Ni utwisisa kuli li ta ezahala Moya u si ka zwa kale mwa keleke ya Bamacaba, kukutela kwa Majuda.

93 Mi ha Ni utwisisi ka Liñolo fela. Ni utwisisa ka Linzwi, ka Linzwi le liñozwi, kuli Isilaele u ka kutela mwa mubu wa habo; mi Na mubona inza ya cwalo.

94 Ni utwisisa ka Mañolo, a bapolofita, kuli Isilaele u kaba naha. Ba ta yo kalisa sinca milapelo mwa tempele. Mulimu uka sebelisana ni bona hape nako ye ba kutela mwa mubu wa bona. Oh! Bapolofita bababeli ba ka taha mwa mazazi a maungulo, ni bona. Na utwisisa cwalo. Inge fela Keleke ya Bamacaba mo i shimbulukela, bapolofita bababeli ba ka taha, Elisha ni Mushe, kwa Isilaele. Lu ka fita kuzona halunze lu ya.

95 Mupolofita na boni nako kuli neiya ikwana kwani kwa Babilona. Ku lukile.

96 Gabriele abonahala, kuli apatulule isiñi fela za na ambola, kono ku mu bulelela kushetumuka cwalo ze ne tomezwi kuezahalela kwa lusika lwa Sijuda, nzila kaufela ku yo punya kwa mafelelezo. Amen! A buza hanyinyani, mi aga taba yateni kaufela. Na kupile fela kuziba . . .

97 Daniele na lika kubatisisa zeo, “Ki nako yekuma kai, Mulena, kana ikaba cwale? Jeremia mupolofita, mutang’a Hao, muzwale waka, u polofitile myaha ye sikisite-eiti kwa mulaho, ni kubulela kuli, ‘kuna ni myaha ye sebente ye ba ta ina batu baa kulo boo.’ Lusika lwa kale kaufela se lu felile kuyunda cwale.”

98 Kuna ni lusila lwa kale lwa pentekota lo ne lutile, myaha ye mashumi amane kwamulaho. “Bahali bakale,” mo ne ba bizezwa. Ba ikongakonga, ni kunata, ni kuomana, kutaha cwalo kwa Lilundu la Horebe ni Nebo, kulo kwani kaufela. Kono, ka kufeleleza, lu kwa nuka cwale. U ka zusa yomunca hape, ni Joshua ya ka ba silisa. Mulao no palezwi; Mushe aya ni zona; Mushe na palezwi. Joshua aba silisa. Lu fumana kuli likopano li palezwi, kono Moya wa Mulimu. . . *Joshua*, linzwi lelili Joshua, litalusa “Jesu Mupulusi waluna.” Kuli, Moya o Kenile uka kena

mwa Keleke. Isiñi kopano, kono haili Moya o Kenile uka kena mwa sicaba ni ku si lukisa ku silela mwabuse, bwa Jordani. Ni utwisisa ka kubala Buka kuli zeo kona ze lukela kunga sibaka. Mi Mulimu u ziba kuli ona zeo kona ze Ni bata cwale, kuli Ni kone kuombaomba sicaba sa Hae ni ku ba bulelela ze li bukafu, libaka zepeli kakusasana cwana mo, ni kwande mwahala linaha ko ku ya matepu aa, lifasi kamukana, kuli lu kwa nako ya maungulo.

<sup>99</sup> A li patulula kamukana mane Mubuso u kutisezwa handende ni Mileniamu ya kalisa. Leo neli liñusa la Gabriele. Mi naize, “Ni ti lo ku bulelela kuli kuna ni myaha ye mashumi asupile, lisunda ze supile, hape, ze tomezwi sicaba, ze tomezwi kufita kwa mafelelezo a lusika lwa Sijuda. Kuna ni lisunda ze mashumi asupile.” Cwale amutalime sa Na bulezi. Zani cwale, kuzwa ka nako ya ku ya kwa . . .

*Ku sa siyezi lisunda ze zebente za sicaba sa henu ni kwa . . . munzi, . . .*

“Munzi.” Babilona ne si munzi wa hae. Yana . . . Munzi wa hae no li kai? Jerusalema.

<sup>100</sup> Cwale, ha lu fita kuya—kuya bu sebene, kamba tiisezo ya litaelo zesilezi, lu ka fumana munzi wani, ni ku li shetumuna kubona yoo nali yena, ya na u kalisize, ko no uzwelezi. U ka yema nako yekuma kai? Kikuli uka yahiwa sinca hape? Ki mwa nako mañi? Oh, lika zetuna li bulukezwi luna. Ku lukile.

*Ku sa siyezi lisunda ze zebente za sicaba sa henu ni kwa . . . munzi, kuli kufeliswe bumaswe, . . .*

Cwale, Na si ka bulela kuli, “Daniele . . .” Hakuna ku kakanya kono Na mu bulelezi kuli lisunda ze sebente neli . . . Ni talusa, myaha ye sebente yeneli bukafu ni kufela. Sikisite-eiti, ne se kusiyenzi fela myaha yemibeli. Mi lu fumana kuli bupolofita bwa Jeremia ne bu nongile handende. Myaha yemibeli kasamulaho, ba to lukuluha. Nehemia aya mi a nga tumelelo ku mulena, ni kuyaha lukwakwa mwa nako ya ñalelwa. Za beleka. Ki hali, “Lukwakwa . . .” Muteeleze ku se.

*. . . sibi si takulwe, . . . bumaswe bu feliswe, . . .*

“Ku felisa sibi.” Ku mañi? Kwa Majuda. “Li sa tomezwi sicaba sa henu,” isiñi fahalimu a Bamacaba. “Fahalimu a sicaba sa hae,” ili Majuda. “Ni munzi wa henu,” isiñi New York, isiñi Boston, Philadelphia, Chicago, Los Angeles, Rome. Kono, “Fahalimu a munzi wa henu,” Jerusalema.

*. . . ni kuli sibi sitakulwe, . . . kufelisa bumaswe, . . . kufelisa kukutisana kwa bumaswe, ku tahiswe kuluka ko ku kaina kamita, ku tiiswe pono ni bupolofita, mi kutozwe sisa se si Kenile hahulu. (Mutokomele!)*

*U zibe taba mi u i u twiseze, ku tuha kwa taelo ye bulela kuli Jerusalema u ka zuswa u yahiwe (ono li munzi*

wa habo) *ku . . . Mesia Mulena ikaba sebene (ze sebente) lisunda, . . .*

<sup>101</sup> Mulibelele kufitela lu ka fita kuzeo! Oh, mawi! Yeo ki mbuyoti ye Ni . . . Ni ka nga muhala ni ku itamelela ili na fa sibaka fa.

<sup>102</sup> Li patuluzwi kushetumuka cwalo cwalo, ili, “Ha nina ku mi bulelela zona cwale ka nako yee kuli ona lilimo zepeli zani nelili fakaufi, li ka felelela, kukwana handende.” Mi luna kaufela luziba kuli ne ba i lo pila mwani myaha ye sebente, mi—mi ba lukululwa, ona cwalo fela mupolofita mwa na bulelezi. Mi Isaya, kamba Ni talusa . . . Daniele na lumela mupolofita yani, kacwalo na li, ya itukisize. Ku lukile. Mi ki ha . . .

<sup>103</sup> Mi cwale, cwale Gabriele, Ki hali, “Ni ti lo ku bonisa nzila, ku to patulula ku wena litaba zee, kuli, ku kalela kwa kufeleleza.” Mwabona? Mutalime.

. . . uka fetula matota, *ku isa kwa mafelelezo, . . .*

<sup>104</sup> *Mafelelezo* ki “kufela kwa lika kaufela.” “Ni ka mi bonisa se si ka ezahala.” Cwale amuteeze. Amu li utwe! “Na . . . Daniele, Ni lumilwe. U latilwe mwa Lihalimu. Mi Ni utwile litapelo za hao mi ki ha Ni tile cwale ku to ku bulelela ze tomezwi Majuda ni Jerusalema, kuzwa cwale kuisa kwa mafelelezo, ki taba kaufela ka kutala.”

<sup>105</sup> Cwale, kana mwa utwisisa, sitopa? Haiba lukona kulemuha lisunda ze sebente ze mo liinezi, luziba mafelelezo seo ali sona. Oh, mawi! Mulimu lu tuse kuli li li zibe. Li lu bulelela handende mwa makepe a, handende kuzwa ka nako yani ku to fita ka nako yee, kuisa kwa mafelelezo, mi halina kumbwinja muzuzu ulimuñwi.

<sup>106</sup> Ka mo Linzwi la Mulimu libezi butuna . . . Fani Mulimu ha bupa lifasi ni ku li beya mwa nzila ya zona. Mi Ni sweli kukutaza busihu bobuñwi, la Sunda busihu, kuli mane hakuna ze pala. Kiñi, lifasi le lipikuluha hande kufitela bakona ku mi bulelela handende lizazi ni kweli fo li ka fita, mwa myaha ye mashumi amabeli kuzwa kacenu, ku yo punya fa muzuzu oswanela. Ha ni koni ku mi bulelela, ka nako ifi yeswanela ye lutilo kena mwa lifasi; lika latehisa mizuzu yemilalu mwa kweli, kamba kufumana mizuzu yemibeli kamba yemilalu, zende ze lunani. Ha lukoni ku kondisa sika ka kupetahala ko kucwalo. Kacwalo, kuna ni fela nto iliñwi ye petehile, yeo ki Mulimu. Mi Mulimu ni Linzwi la Hae kinto ye swana, kona kuli Linzwi la Mulimu li petehile.

<sup>107</sup> Mi haiba lukona kulemuha mwa mazazi a, lu ka fumana hande fo mafelelezo fa ka tahela. Kana mwa utwa nji? [Kopano ili, “Amen.”—Mu.] “Ku tomilwe kale kwa mafelelezo.” Timana ya 24, “sicaba sa henu ni munzi wa henu o kenile,” ili yona Jerusalema. Lufite kuya 21 . . . timana ya 24 faa. Jesu na swanisise ku yona mwa Mateu 24.

<sup>108</sup> Cwale, Muzwale Collins, haiba uteni mo kakusasana cwana, Hani zibi haiba uteni kamba haayo. Mwa lipuzo busihu bobuñwi, nabuzize puzo. (Ni sepa ku lukile kuli ni i bulele, Muzwale Collins.) Kaza, “Maswabisa atisa kushandaula, mwabona, kubona se si taluswa?”

<sup>109</sup> Jesu na bulezi ka zona, mwa Mateu kauhanyo 24, mi lwa libona zeo. Eeh, Mateu 24:15. Cwale haluboneñi ni fite kuyona kapili, kuli mubone taba yateni, Jesu na bulezi taba yeswana fa, ka kuswanisisa ku Daniele. Mateu 24:15, ku mina babasweli kuñola. Ni bata kuli mina, mañi ni mañi cwale, sihulu busihu cwana ni—ni Sunda yetaha, mutise lipotoloto za mina ni mapampili, kakuli lusweli. . . konji haiba lu na ni tepu. 24, ni timana ya 15, “Mi cwale kabakaleo. . .”

*Mi ha mu ka bona bumaswe bobu shandaula, bobu bulezwi ki mupolofita Daniele, . . .*

Munahane! Ye ki myaha mianda ye mine ni eite-sili, -fo, -faifi, eite-sikisi kwa mulaho koo. Myaha ye mianda yemine ni eite-sikisi kwa mlaho koo.

*. . . Daniele mupolofita, inze buyemi mwa sibaka se si kenile, . . .*

Cwale amutalime mwa Bibeles yamina. I mwa tukutwana.

*. . . (kaufela ya bala, a lemuhe:)*

<sup>110</sup> Cwale, U sweli kuambola kwa Majuda. Baba bata kuziba, “Kucwani ka tempele ye? I ka sinyiwa lili? I ka yahiwa lili sinca? Ki lili fo ku ka tahela nako foo kusike kwaba licwe fahalimwa leleiñwi? Li ka ina nako yekuma kai?”

<sup>111</sup> Ki hali, “Ha mu ka bona ‘bumaswe bo bu shandaula, inge buyemi. . .’ Daniele, ‘buyemi mwa sibaka se si kenile.’” Ali, “Ha mu ka bona zeo linga sibaka, cwale ya bala a utwisise sa sweli kubulela.”

Kona libaka le lu lapelela ku Mulimu, kuli zeo libe fela ka kupetahala, kuli kutokwe muluti wa kukakanya. Kakuli, ha lu lukeli kubeya fateni toloko yaluna fa litaba zeo. Ina ni kutaha kufitela kuzali KISONA SA BULELA MULENA. Kacwalo, Ni li siyela ona foo kufitela ha Ni ka li utwisisa.

Na patuluzi lika kaufela ku yena, kuli “ki maswabisa.”

<sup>112</sup> Mi, muhupule, lina ni litaluso zepeli, inge fela kuli, “Ni biza mwana kae kuzwa mwa Egepita.” Sina Isilaele mwa na bizelizwe, ni yena Jesu ki mwa na inezi, Mwan’a Hae, kuzwa mwatani.

Mi ona zeo kona ze ka nga sibaka, ka niti fela sina ha Ni yemi faa. Mi A lieza ka nzila yeñwi, mi U li ezize ka kuba zepatilwe, kaufela lipatezwi kwa Keleke. Oh, ha lu ka shetumuka ku zeo, mwa kutwisiso ya likalulo zesilezi za tumo, ka Mo alipatezi kaufela kwa Keleke, ili kuli Keleke cwale ikabe i talima ka



muzuzu kaufela, na sa zibi nako Ya taha. Kono cwale lusika lwa Keleke se lu ya lufela, kacwalo lu itukisize cwale Kutaha, ki kuitukisa fela.

<sup>113</sup> Le ki leliñwi la Mañolo a butokwa hahulu mwa Buka. Si eza sikamañi? Si bulela kukwala kwa naha ya Sijuda, sicaba sa Majuda. Liñolo le, lisunda ze sebente, li patulula ni kubulela handende kuzwa ka nako ya na kalile Daniele kwani, kuisa kwa mafelelezo a maungulo. Ki iliñwi ya linako zetuna. Ki ba bakai baba ni utwile hanili, “Haiba mubata kuziba lizazi la mwa sunda, ki kotalima fa kalenda. Haiba mubata kuziba nako ye lupila kuyona, mutalime Majuda”? Yeo ki niti. Yani kona kalenda ya Mulimu, ye ngilwe kuzwa ona moo. Muituti kaufela wa za bulapeli, muituti wa Bibeke kaufela, ufi kamba ufi, uka mi bulelela kuli ye kona waci, bona Majuda.

Cwale luna ni nako yekuma kai? Luna fela lu . . . sicaba, lwa cisa, oh, Ni . . .

<sup>114</sup> Hasina za kueza ni Bamacaba; ona Maswayo Asupa aa, Likoto Zesupa, Lincwa Zesupa, Litolombita Zesupa, halina neba nto iliñwi ya kueza. Keleke ya Bamacaba ikaba mwa Kanya ka nako yani. Haina za kueza ni luna, luna Keleke ya Bamacaba. Li talimana fela ni Isilaele. “Daniele, sicaba sa henu ni Jerusalema.”

<sup>115</sup> Cwale, ni kupatulula buniti kuli Mulimu u talimana fela ni Majuda habali mwa mubu wa bona. Haleluya! Foo kona fo Ni nahana si natile fo kuswanela, ona fani luli.

Basweli kulika ka nako kaufela kulumeleza kuzwa ka nako yani Isilaele hanali kwani ka nako ya Daniele. Mi muñoli alimuñwi yomutuna . . . Kakuli, Ni ziba babañwi ba balateleli ba hae bateni mo, Hanina ku li bulela. Kono kona ze ne ba bezi ni litaba za buhata zee.

<sup>116</sup> Kana mwa ziba ba Millerites, ba si ka taha kale ba Seventh-day Adventist, se ne baezize kwani? Ka 1919, baba ni mafufa abona, (kaufela muliboni mwa mutende waba Courier), mi ba taha kwanu ba fufa kuikela, kakusasana wani. Kwani ne li kunga lisunda ze sebente za Daniele. Uh-huh, Millerite. Mi, kasumulaho cwale, musala Bo. Ellen White, yanali mupolofita wabona wa musali, ba fetuha mi ba ipiza kuli kiba Seventh-day Adventist. Mi cwale ba cincize libizo la bona kuba kuli The Voice of Prophecy. Mwabona? Mabizo amalalu a shutana a bulapeli bobuswana.

<sup>117</sup> Cwale, kono ne ba fosa, kakuli ne ba lika kubeya lisunda ze sebente zani kwa Majuda hamoho cwalo ni Bamacaba. Mi Wa bulela fa, “Ki za sicaba sa henu.” Mi Mulimu ha sebelisanangi ni Majuda kwande a Palestine. Mi cwale Mesia, ku ze sebente, ni lisunda zepeli, a bulaiwa, (kusina ya Mu yemela; ka luna, a bulaiwa), Isilaele a hasana, mi ha si kabe (kwali kuba) akute mwa naha ya habo konji fela myaha yelikani nyana yefitile. Kacwalo,

nako ne i sa baliwi mwa lusika lwa Keleke. Kana mwa utwa nji? [Kopano ili, “Amen.”—Mu.]

Neisike yaba ka 1919. Nakona kubonisa ze ne ezahalile ka 1919, kono fani kona foo Lingeloi lani, liñusa la Lingeloi la bulalu ha li to nata Ncwa yene tile. Kiniti. Kono ne si za. . . Fani kona ndwa fo ne ifelezi ka nzila ye sa zibahali. Lu fumana zeo mwa kauhanyo ya 7 ha lu ta fita kuyona, ha lu ta fita mwa kauhanyo ya 7. Kaufela mina mu ni utwile ha ni ikutaza, linako zeñata, mwabona, fani liñusa la Lingeloi lali, “Swala mioya yemine ya lifasi kufitela luswaya Majuda, bona batanga.” Mi cwale, bazwelapili kulibelega kufitela lusika Bamacaba ha lu shenya.

Mi cwale Ha taha, cwale—cwale U swaya Majuda, ba handeleti ni fote-foo sauzande ba amuhela Moya o Kenile. Ki bao foo ba handeleti ni fote-foo sauzande, baswailwe. Sinulo 7. Mu i balile.

“Mi Na bona palo yetuna mwa Lihalimu,” Joani abona, “lipuo kaufela, mishobo, ni macaba, mi bayema fapila Mulimu, ni lisamu mwa mazoho abona, ni likubo zesweu, inge baopela, ‘Haleluya! Mane! Kanya, butali, likute, mata, puso, li be ku Mulimu waluna kamita ni mita. Amen!’ Ba huwa.”

<sup>118</sup> Joani na si ka ba utwisisa nako yani. Kono atalima kwa mulaho ni kubona Lilundu la Sinai, (kanya) ba handeleti ni fote-foo sauzande baba si ka silafala ni basali. Majuda! Basali, likeleke! Ne ba si ka ikopanya kwa likopano, Lutheran, Methodist, Baptist, ni Presbyterian. Kono neli Majuda kuzwa kwa simuluho, Orthodox, mi nebana ni tempele kwani, inge ba lapelela fa Lilundu la Sinai. Bao kona ba handeleti ni fote-foo sauzande. Zeo ki kasamulaho wa se; Keleke se ikezi mwa Kanya. Mwabona?

<sup>119</sup> Kacwalo, Bo. Smith neba fosize, mo ne bainezi. Kakuli, mu ka lizamaiseleza cwani fa mwa 1919, mu zuse mwateni ba handeleti ni fote-foo sauzande? Kipeto mukutela hape mwa Russellite hape. Mwabona? Kipeto mukutela hape kwa tuto ya ba Russellite, kuli, “Jesu natile mwa 1914, 1919 Anga Keleke ya Hae, mi cwale Yena ki mubili wa kunutu oliteni mwa lifasi kaufela, muzuhe. . . kuya kwa libita la bokuku babasali ni libita la bokuku babaana, ni ku ba zusa, kaufela bona bene bali ma Russellite.” Bukuba! Ha si utwahali hande mwa Linzwi. Halina ku utwahala hande. Batili, sha. Ha li utwahali hande.

<sup>120</sup> Kono, Mulimu una ni Niti. Mi Mulimu ki Yena Ya kona ku Li patulula ni ku Li beya mwateni hande, ni ku Li bonisa handende, ku luna. Mwabona? Ni lumela kuli Uka li eza. Ha ni li zibi. Ni mi bulelela Niti. Ha ni zibi, kono Na lumela. Na lumela Uka eza.

<sup>121</sup> Kacwalo, mwa bona, Mulimu na si ka belekisana ni Majuda. (Ni bata kuli mubuluke seo mwa litho zamina) haibile fela Isilaele. . .

122 Fani kona ha Ni lika kubulele muzwale yo yainzi fa, ya bulela za kuya kwa Isilaele, kuli usike wa ambola za Isilaele! Inela kwahule ni zona, mina sicaba kaufela baba sweli kubulela za kufetula Majuda. Liñusa le li si ka fela kale, mu ka bona kuli KISONA SA BULELA MULENA, ka Linzwi ni ka Moya. Isilaele u ka baka, naha kaufela, mwa busihu bulibuñwi. Biblele ibulezi ona cwalo. Kono Evangeli mane ha i si ka fiwa ku bona. Kuna ni bayambaeli babalikani kulo kwani, ni zeñwi cwalo, babatile ku to piliswa. Yeo ki niti. Ni lumela seo ka pilu yaka—yaka kaufela.

Kono, muhupule, haibile fela Isilaele u kwande a naha ya habo, hakoni ku piliswa. Cwale basweli bakuta. Mi ba ka piliswa, naha yabona kaufela, mwa lizazi li liliñwi. Ki Biblele ye bulezi. Zazi li liliñwi; li ka tisa, kufelelela, Isilaele kaufela kukutela ku Mulimu. Ku kaba nto yetuna luli ye ka nata Isilaele leliñwi la mazazi aa, kufitela i nyunga naha kaufela. Neba mupolofita na huwile, mi ali, “Ka lizazi li liliñwi u ezize taba yee.” Ka lizazi li liliñwi, ba ka Li bona. Ku kaba nto yetuna.

123 Muhupulo waka, i kaba mupolofita ya mata ya ka taha ni kuyema fapila Isilaele, ni ku ba bonisa kuli Mesia yani u sa pila. Yena Mesia yo ne bahanile yani . . . ? . . .

124 Bona inge ba bala Biblele yani cwale, Biblele ya Isilaele. Ba Ibala kuzwa kwa mulaho kuya kwa pata, kona mo ne ba Ibalela. Mi mwa ziba mushobo wa Sijuda mo uñolelwanga. Mi cwale ha ba I bala . . . Mi ba bala Lewi Pethrus za na ba lumezi, neli Libibele ze wani milioni. Se bali, “Haiba Jesu yoo . . .” Bani kona Majuda bene ba tisizwe kwa Iran, ni libaka zeñwi kwani, bene ba si ka utwa kale za Mesia. Mi ha ba itukisa kukutela mwa naha yabona, kupalañi, ne ba si ka ya ka lifulai zani. Ne ba sa kekelisa bikekele bya kale. Mu ipalezi zona mwa mutende waba *Look* magazine. Ki ba bakai baba balile litaba zani mwa mutende waba *Look* ni *Times* mag- . . . ? Kupalañi, luli mu ipalezi zona. Mwabona? Ne ba sika fita teñi kwani. Muluti wa kale yani na yemi fani mi ali, “Muhupule, mupolofita waluna na bulezi kuli lu ka kutela mwa mubu waluna fa mafufa a mbande.” Haleluya!

Linaha za ikaba, Isilaele wa zuha,  
Lisupo ze bulezwi kale ki Biblele;  
Mazazi a Bamacaba abalilwe, misima se  
ikatilwe kale;  
“Mukutele haenu, Mawe mina mu yambaezi.”

125 Ki hande mu be baba talifile. Mu li utwile ni ku li utwa, ni ku liutwa, kono ku kaba ni nako ya mafelelezo, leliñwi la mazazi aa. Isilaele u kutela mwa naha ya hae. Ha ki lizazi ni lelo Mulimu atomezi Isilaele kuba naha, lani kona lizazi le kusike kwaba wa Bamacaba ya ka piliswa.

126 Ni ka bonisa seo lisunda ze sebente zee, haiba fela Nikona ku fumana mazazi ani. Ni ya kwa . . . ku yo nga kalenda ya

babali ba linaledi, ni—ni ya ba Julian, ya babali ba linaledi, ni ya Maroma, ni zeñwi zateni. Kuna ni zeñwi hape, kokuñwi. Ku na ni sesiñwi. Mulimu wa ziba ka sona, mi, Wa—Wa kona ku si patulula. Mwabona? Na ziba kalenda yaba Julian ina ni mazazi a sili handeleti ni sikisite-faifi ni leliñwi, ka mwahala. Kacwalo, oh, kaufela bona ba lyangani, kono kuna ni niti, kokuñwi.

<sup>127</sup> Ni bona hahulu, likeleke zeñata, likopano zeñata luli, zeñata zesweli kuezaha *se*, ni sesiñwi, “Lumela Maria,” mi babañwi ba kumalela *se*, ni *sani*, ni *sesiñwi*. Ku lukela kuba Niti, kokuñwi. Ku lukela kuba Mulimu, kokuñwi. Ku kulukeka kuba Liñusa, kokuñwi. Ni bona bapolofita ba buhata baba na ni kueza za temuho, ni mikwa yeñwi kaufela yeswe kuezahala. Cwale, ku lukela kuba ya niti kwani, kokuñwi, za buhata zani li ezizwe ku za niti.

<sup>128</sup> Ni bona batu ha ba kena mwa nama, ni kuhuwa, ni kutundamena ona cwalo, ni mwa mifuta yeshutana ya bupiloi bwa bona. Ku lukela kuba Moya o Keniel wa niti kwani, kokuñwi. Ni bonanga sicaba ha si eza za bulapeli, ni zeñwi cwalo, ni kulika kuba ba bulapeli. Ni ziba kuli kuna ni Mulimu wa niti, kokuñwi. Kuna ni Moya wa niti, kokuñwi, kakuli yani ki muipi ya bupilwe ku zona, ki nto ya buhata. Ku lukela kuba sika sa niti: mutu, sicaba, ni Keleke, ni Mulimu. Ku lukela kuba sesiñwi sa niti, kokuñwi, kakuli ze ne li swanisizwe fela ku zona. Kuna ni sesiñwi sa luli, kokuñwi.

<sup>129</sup> Ni bulelezi keleke ye, ka za limpo za mina. [Muzwale Branham ungongota fa katala haane—Mu.] Muteezele kwa limpo zamina; mu libeye mwa Bibe. Musike mwa nga za kuyolisa, kanti mahalimu atezi litaba za niti. Ha lu bulukeni za niti. Ha lu ngeni za niti kamba lu si ke lwaba ni zeñwi nihanyinyani. Amen.

<sup>130</sup> Cwale, ka kukwala, ki niti kuli Mulimu utalimana ni Isilaele ha li mwa naha ya habo. Ha lu ngeni fani Mulimu. . . Abrahama ha zwa mwa naha ya hae ni kuya kwa Egepita, kiñi ze ne ezezahalalile? A ya kwahule ni tato ya Mulimu, mi na si ka fuyolwa kufitela akutela kwa naha ya habo. Mulimu na si ka sebelisana ni yena, hakuna neba pono iliñwi, hakuna ni yekana, kufitela ha kutela kwa naha ya habo.

<sup>131</sup> Mutalime Isilaele ha ba ya mwa Egepita, myaha ye mianda yemine. Kutokwa neba makazo iliñwi, neba sisupo silisiñwi, hakuna neba nto iliñwi ye ne ezahalile mwahala bona, hakuna zeñozwi mwa Buka ya litaba za kale. Muunamuhulu yaswana myaha ye nainte-naini, aya kwa keleke, ayo fa ngunyana, kubulela zakuli, “Lumela Maria,” kamba kaufela zeo nelili zona, kukuta kwa mulaho. Mwaha otatama, kinto yeswana. Baprisita kaufela ba kanana, “Muluti wa *Kuli-ni-kuli!* Lu ka keta Muluti wa *Kuli-ni-kuli*. Una ni sikolo sesinde. U ziba hande za Maegepita.” Taba yapili mwa ziba, Maegepita ni—ni kaufela bona, neli nto yeswana.

<sup>132</sup> Ki nto yeswana ye ezahalile ni kwa keleke. Kaufela luile kuba ba Methodist, kamba Baptist, kamba Presbyterian. “Mi luna ni digiri yezwelela kwa Hartford! Luna ni digiri yezwelela kwa Wheaton! Luna ni digiri yezwelela kokuñwi cwalo, kamba Bob Jones! Luna, luna ni Bachelor of Art! Luna ni D.D., LL.D., kamba nto yeñwi fela!” I lu fitisize kai? Fa sikwata sa likuba.

Kona mo ne kuinezi mwa Egepita. Mi Mulimu na si ka belekisana ni Isilaele kufitela ataha mwa mubu wa habo.

<sup>133</sup> Mu ni utwe! SA BULELA MULENA KISONA, Mulimu na si ka belekisana ni Keleke ya Hae kufitela ikutela mwa mubu wa yona, ki Liñusa la hola. Mukutele ku za makalelo! Amuzwe mwa milelo ya mina ya Methodist, Baptist, Presbyterian; Mapentekota ba mina, Assemblies, Oneness, Threeness, ni Fiveness, kaufela seili sona; church of God, Nazarene, Pilgrim Holiness, church of Christ, mizamao ya antikreste kaufela! Mi Ni ziba kuli se sa sabisa lifasi. Kaufela lifosahalile; kaufela za diabulosi. Oh, mawi! Kuna ni baana ba bulapeli ku ifi ni ifi ya zona. Kuna ni batu ba bulapeli ku ifi ni ifi ya mizamao yani. Kono haili kopano, ku yona, ha ki ya Mulimu, mi Mulimu haana ku i fuyola. Ha si be aeza cwalo fateni.

<sup>134</sup> Ne ni buzize munituti wa zakale (mu ka teezeza tepu ye) kuli mu ni ñolele ni ku ni bulelela nako kaufela, keleke ne i kongakongile, haiba Mulimu na si ka i beya kwatuko ni ku sa belekisana ni yona nikamuta. Mu ni bulelele fakile A zusa ya ba Lutherana hape, Wesley ma Methodists, kamba yaba Pentekota. Ali kuba shangwe! Kopano yani ya beiwa ona fani, mi ya pazauha ni kubola! Mulimu na ngile mutu alimuñwi ka alimuñwi ni kulika kusupeza sicaba kwa naha yabona. Mi cwale, batu baba fokola luli ni baba talimwa inge basali, kufitela ba ongaonga kopano yeñwi, ya eziwa habeli kuswanela lihele kwa bumaswe habeli kufita nako ya sapili.

<sup>135</sup> Kono, kokuñwi, kaniti, Jehova una ni mutu Yo akona kubeya mwa mazoho a Hae, ya si ke ku keshebisa ka zona...-ka bulapeli, kopano yesina bumulimu; yaka kutelele sicaba kwa Licwe, Krete Jesu, kukutela kwa pentekota ya makalelo ya Moya o Kenile, ni lisupo za makalelo ni limakazo za makalelo. Luli Una ni alimuñwi, kokuñwi, yasike alila mwatas'a nyandiso ifi kaufela, amatele kwande, añale, apalelwe, sika kaufela; ki ya ka inelela ni zona.

Mulimu ha fuyolangi Isilaele konji ha sa li mwa naha ya habo.

<sup>136</sup> Mulimu haana ku ku fuyola, kuba wa Methodist, Baptist, Presbyterian, Katolika, kamba Pilgrim Holiness, Nazarene, church of Christ, kamba—kamba kopano ya Pentekota. Haana ku kufuyola ka nzila yeo. Mukutele kwa naha ya mina, kwa simuluho, kukutela kwa maikuto a pentekota inge mo ne kuezahalezi fa Lizazi la Pentekota fani Mata a Mulimu yapila

ha cinca likitikiti za batu zani, ni kutukisa lipilu za bona ka Mulilo wa Mulimu, zani ne li bonisa za niti; isiñi lisupo za kulikanyisa, isiñi litaba zeñwi za kuinahanela cwalo, isiñi zeñwi za lisheha, ni kukena mwa takano inge yelukeni ku yona mwa America. “Ki mañi yakona kuba ni tende yetuna luli?” Kamba, “Ki mañi yakona kuba ni sicaba sesiñata luli?” Ki shutano mañi ye si eza ku Mulimu? Mulimu ubata sicaba kuba kusepahala mwa lipilu, isiñi likwata zetuna. Mi kaufela lwa ba ni takano yakuli amubone baana peba ni kakaze. Ha ki maswabisa ni ao, kubona haiba lukona kukeza baba sikiti kwa kopano yaluna. Ki maswabisa. U bata kuli lu kutele kwa Niti, ku kutela kwa Moya, kukutela kwa Liseli, kukutela kwa nzila ye kambama ku Kreste, kukutela kwa Niti. U kona ku lu fuyola cwani hanze luzamaya cwalo? Haana ku lufuyola.

<sup>137</sup> Na si ka fuyola Isilaele kufitela ba kutela mwa naha ya sepiso. Mi ha ba yo kuta mwa naha ya sepiso, lisupo ni ze komokisa za kala kuezahala. A ba lumela muuna kwani mwahala bona, wa libizo la Mushe. Kiñi Mushe yo sa na tile ni sona, kikuli neli bulapeli bo bo ipitezi nji? Kikuli natile ni digiri ya Bachelor of Art nji? Kikuli natile ni LL.D., Ph.D.? Natile ni mata a Jehova, ni liñusa, “Mukute, kwa naha ye, kuya haenu. Mukute, Mawe, mina muyambaezi, mukutele haenu.” Amen!

<sup>138</sup> Bukaufi ni myaha yelikana likiti zepeli kwa mulaho, Majuda ba zwile mwa naha yabona, ba hasanezi kwa maneku amane a lifasi. Ne lu ka likitisa Liñusa le kueza lisunda zepeli cwale, haiba lu lukela ku li tamahanya. Lwakona ku latelela Isilaele ku yo punya koo ni kubonisa ha ne i hasanyizwe ki Mubuso wa Roma, bakeñisa kuhana Mesia wa bona; mwa na kashelizwe kai ni kai mwatas’a Lihalimu.

Mukutele ku Jakobo, Isilaele, kukutela mwa Genese 44 ni 45, ni kubonisa kulo kwani ona mwa na fuyolezi bashemi bani ni ku ba bulelela handende kuyema kwa bona mo ne kuka bela mwa mazazi a maungulo. Mi Na kona ku mi supeza handende (naha kaufela) ya Isilaele, lusika kaufela lwa Isilaele, lu yemi fo lu lukela kuba. Mi ki luna ba fa kacenu.

<sup>139</sup> Mujuda ye lu ziba, ha ki yena Mujuda wa niti. Mujuda wa niti ki yena yani wa Orthodox ya si ka isilafaza ili yena ni lika za lifasi, ya si ka zwela kwande ku yo ikopanya kwa likeleke zeñwi. Bani kona baba ka kuta, baba pila mafi ni sinkwa, kwa malundu, baba si ka lumelezwa mwa munzi wa kale. Na ba yahezi munzi kwatuko, mwa sibaka se si sina muñ’a sona, ni litobolo zetuna za lindalamiti maneku amabeli. Kono u kalile ku tubula matali amanca. Amen, ni amen! Nako i fa kaufi.

<sup>140</sup> Kuna ni Ishimaele ni Isaka, bayemi kwani, basweli kuhohanela mubu, mane, kono ki wa Isilaele. Haiba mu yo pota kwa Jerusalema yomunca, habana ku mi lumeleza kutaha mwa Jerusalema wa kale. Una ni kuya kwani pili ni kuli ba

ku tolokele zona, ma Arab, ni kuku potolosa kwa neku leliñwi. Bani ki bana ba Ishimaele. Kono, amulibelele, nako ya taha foo bana ba Mulimu ha ba ka yo u hapa. Yeo ki niti. Jerusalema uka yahiwa sinca hape. Sitabelo sa sitabelo sa zazi ni zazi si ka tomiwa.

Mi ni antikreste uka tisa bulikani ka lisunda ze sebene za mafelelezo zani. Mi mwahal'a zeo, u ka felisa bulikani, kaufela bona a ba fetulele mwa Bukatolika. Bumaswe bu ka hasana kukwana sibaka kaufela, ona cwalo, mi kona ku ka taha mafelelezo.

<sup>141</sup> Mutokomele, "lisunda ze sebente." Eehe, sebali bukaufi ni myaha ya likiti zepeli bukaufi kihona; ba se ba lelekilwe cwale, sicaba sa bona; sina mo ne kuinezi kwa kutatafala kwa pilu ya Faro, Nana ni kutatafalisa pilu ya Hitler. Ma milioni abona ba shwa. Amutalime Eichmann, ni mulatu wa kubulaya Majuda baba kuma fa sikisi milioni. Sikisi milioni yabona, mioyo ya batu, limbututu, banana, babahulu, kaufela ba bulawa; Eichmann, muuna alimuñwi. Mutalime Russia, mo ne mu ba lelekezi kwani. Ba baleleka kai ni kai. Bafetuhile naha ye shwaukile.

<sup>142</sup> Kono bakeñisa lilato la masheleñi abona, ba yo kuta hape. Kono bona basikai baba siyezi bakutezi kwa Palestine. Amen, mizwale! Ha mu mubona akala kutaha mwa naha ya habo!

<sup>143</sup> Banani babañata mwani cwale babakona kueza handeleti ni fote-foo sauzande. Mi kiñi ze ezahalile? Ba ka ziba Josefa wa bona. Musike mwa bilaela. Eeni, sha. Mi kaufela bona bayemi kwani ba libelezi kuli li ezahale. Mi hola yateni luli. . .

<sup>144</sup> Linaha li ba lukuluzi kuba naha, mwaha o felile woo. Mi zeo ha litaha, kipeto lu atumela kwa mafelelezo, Keleke ya Bamacaba se i iicongile. Kacwalo, ka nako ifi kaufela, Mulimu na bulezi kuli, "Isilaele ki sicaba sa Ka." Mi zeo cwale, Bamacaba ba se felile.

<sup>145</sup> "Ba ka hatikelwa," kwa bulela Jesu, mwa Mateu 24. "Bumaswe kona bo bu tisa matota, ba ka bulumuna mamota a Jerusalema kuisa kwa kufela kwa nako ya Bamacaba." Zeo ha se li felile, kipeto Majuda ba ka kutela hape kwa Jerusalema, ku yo yaha sinca tempele ni kulapela. Lu ka li nopa hande mwa Mañusa atatama aa, lisunda ze sebente za mulelo wa maneku asilezi.

Cwale Ni ka bala fateni lu si ka kwala kale, kakuli ikaba nako cwale kuli luye kwa hae, mi ni kukuta busihu kacenu ka sebene kiloko.

<sup>146</sup> Pili, pili, haiba musweli mwa ñola, "Kufelisa bumaswe." Daniele, kauhanyo ya 9, timana ya 24. "Ku felisa bumaswe," iliñwi. "Ku li afelise sibi," yabubeli. "Ku li afelise bumaswe," yabulalu. "Kutisa kozo ye ina kamita," yabune. "Kuli ataleleze pono ni bupolofita," yabufaifi. "Ku toza ya Kenile kufitisisa,"

yabusikisi. Mi kona ze lu ka ambola busihu kacenu. Mulimu, wa litisa kuezahala!

<sup>147</sup> Cwale amulibelele, haluboneñi ni kutele fateni hape, kuli mu li utwisise. Pili, “ku felisa bumaswe.” Yabubeli, “ku felisa sibi.” Yabulalu, “kuli akutisane lipilu ka bumaswe.” Yabune, “kutisa kozo yeina kamita.” Yabufaifi, “ku swaya pono ni bupolofita.” Yabusikisi, “kuli atoze ya Kenile kufitisisa.”

Ha luboneñi ni mi balele yona cwale, kuzwa mwa—kuzwa mwa Bibebe. Ki timana ya 24.

Sebene-. . . *lisunda litomezwi sicaba sa henu* (ki Majuda) *ni fahalimu a munzi wa henu o—munzi o kenile* (Isilaele, Majuda, Jerusalema), *kufele* ku sa . . . sibi (wani), . . . *sibi si feliswe* (tuu), . . . *kuli bumaswe* bu lifiwe (sili), . . . *ku tahiswe kuluka ko ku kaina kamita* (foo), *ku tiiswe pono* (faifi)—*pono ni bupolofita, mi kutozwe sisa se si Kenile hahulu* (sikisi).

<sup>148</sup> Kona za Na tezi ku to mu bulelela, kuli kona ze ka ezahala, mi kona ku ka taha mafelelezo.

<sup>149</sup> Cwale, busihu boo lu ka utwa litaba zeo mo liinezi, ni kubona mo lubezi bukaufi ku zona. Mi cwale Sunda yetaha, lutise mwateni lika ze ni kucomeka ze swanela handende fo lu yemi. Na Mu lata.

<sup>150</sup> Isilaele u kutela kwa naha ya habo, Isilaele. Halu boneñi fela ni bulele cwana fa . . . Ni sepa kuli kikale lutimiwa fa tepu. Halu boneñi ni bulele se. Yona hola luli yeo Isilaele haiba naha . . . Libaka le Ni bezi ni lumela kamita, fapila sitopa saka se, kuli kuna ni sesiñwi se Ni kona kuba ni kabelo kusona, Ni sika shwa kale, ka za kukutiseza Isilaele ku Mulena. Kakuli, yona hola luli, pampili yaba Pan America, fakuli Isilaele na bulezwi kuba naha, ka nako yapili ka myaha ye likiti zepeli kuzwelela fo ba hasanezi, isiñi sicaba; neli yona nako yeswana yani, hola yeswanela handende, kuli Lingeloi la Mulena la ni katana kulo kwani ni ku ni lumela kwa . . . ni Evangeli. Ki nto yeswana, Kandao la 7, 1946.

<sup>151</sup> Cwale, he, nto yeñwi ye ni tiseza kuziba. Ki “Kukutiswa kwa lipilu za bana kwa bashemi babona, mi ni lipilu za bashemi kwa bana ba bona,” ki Liñusa. Mulemuhe, Malaki 4 (isiñi 3), 4!

<sup>152</sup> Nto yeñwi. Mi Billy, mwana ke, ni Na, Muzwale Ern Baxter, neluli mwa musipili wa luna kuliba kwa Palestine, lumano kopana ni Majuda ku Muzwale Arganbright, mi ba bona mukopano. Lewi Pethrus na ba lumezi Libibele kulo kwani. Mi ki hali . . . Majuda baa, bali, “Haiba uka kubiza sikwata sa baeteleli ba Isilaele, Ni talusa, isiñi baluti babanca ba ni mikiti yabona, kono ubize baeteleli ba niti bama Isilaele hamoho. Mi lu balile Testamente ye Nca ye, mi luziba kuli Mesia ha ta taha, U ka lu bulelela litaba ze, sina musali kwa Samaria. Mi lu ziba kuli Mushe na bulezi kuli Mesia ukaba mupolofita. Mi haiba ukona



ku ba bulelela ni ku ba bonisa, ka Mañolo,” zona ze lu ka fumana mwa Liñusa la kacenu busihu, “kuli nebana ni ku unsufazwa kwa lipilu zabona ni ku bulaiwa, kuli Bamacaba bakone kutaha, kuli lube ni nako ya kukutisana lipilu kwa Bamacaba. Mi lipilu za bona za tatafazwa ona cwalo fela mo ne kuinezi mwa nako ya Josefa, ni zeñwi cwalo. Mi ni kutisa Majuda bani mwa sibaka, ni kubiza baana bani kuzwa mwa sikwata sani, inge fela mo sweli kuezeza Bamacaba baa kwanu, ka yona susumezo ya Moya yani. Kakuli,” ba ize, “haiba Jesu yoo, haiba ki Yena Mesia, ni kuli manzwi a hao ki a niti, konakuli Ha si ka shwa, mi Wa pila. Mi haiba Wa pila, U sepisize kuba ni ba Hae . . . mutang- . . . mutanga Hae—batanga, balutiwa ba Hae. Mi haiba lukona ku Mu bona Aeza sisupo sa mupolofita, konakuli lu ka lumela kuli Ki Mesia.”

Ha ki nto kwa kupetahala, handende luli. Mi, seo si ka eza sikamañi? Naha i ka pepwa ka zazi li liliñwi, mwahala baeteleli. Mañi ni mañi wa bona u ka bulela kuli, “Lwa ziba cwalo.” Muluti yani ha bulela cwalo, kipeto ao kona mafelelezo. Naha i ka pepwa ka lizazi li liliñwi. Isilaele i ka pepwa ka zazi li liliñwi.

<sup>153</sup> Mi Na ba mwa musipili waka, mi na yema fa Cairo Egypt, ni tikiti mwa lizoho laka, mi ka mizuzu ye fifitini kamba ye mashumi amabeli ya nako ya kuliza. Ne ba libelela kuliza luwaile. Mi Na yo bona kaemba nyana ka kota yensu, fone kubetilwe tou, ka kota yee, ni—ni manaka a amasweu a tou. Ne ni bata ku ka lumela ku dokota mulika na ka, Dr. Sam Adair, kaka bukiti fela bwa pampili. Mi Ne ni sweli kukatalima. Mi sesiñwi sa li kuna, “Ye ha ki yona nako pili. Usike wa kena mwa Palestine.”

<sup>154</sup> Kacwalo Na hupula nali, “Kina fela ya sweli kunahana zeo.” Mi Na zwelapili.

Sesiñwi sa li, “Ye ha ki yona nako.”

<sup>155</sup> Mi Na zwela fande kwa mulaho wa muyaho wa lifulai. Na nanulela toho yaka ku Mulimu. Mi nali, “Mulimu, kana ki Wena ya bulela nina?”

<sup>156</sup> Ali, “Ye haki yona nako. Ikambuse kwa Palestine. Ye ha ki yona nako.” Mi Na i kungela tikiti yaka ni ku i cinca, mi na zwa kwani kuliba kwa Rome, ni ku kutela kwa Lisbon, mwa si Portuguese, mi ni kuzwa kwani na kutela kwa United States.

<sup>157</sup> Nako ne i si ka kwana kale. Bumaswe bwa Bamacaba ha bu si ka talelela kale, kuisa fela kwa mafelelezo a sinwelo. Kono zazi leliñwi zeo lika ezahala, mi Mulimu uka luma mutu yomuñwi kwani yali mupolofita, mi uka ba bonisa. Ni sepa kuli Mulimu uka mu tisa cwanoñu fa, yo akona kuba yena kaufela, u ka mutisa kapili. Ni lumela kuli lina ni kutaha. Kona ze lusweli kubalela zeo, kuli lu fa kaufi hahulu.

<sup>158</sup> Mi, muhupule, ona muzuzu luli o Majuda ba amuhela Kreste, Keleke ya Bamacaba i kabe iile. Mi cwale Bamacaba ba ba ni likoto ze ba tahela fahalimu, ili Nyandiso.

<sup>159</sup> Mi—mi cwale batu bakona cwani, baluti babatuna balute, ni kutalima fa Bibebe ye sina cwana, ni kubulela kuli Keleke ikena mwa nako ya Nyandiso, kanti hakuna Liñolo mwa Bibebe le li bulezi cwalo! Habana neba nto iliñwi.

<sup>160</sup> Muuna cwana na ni bulezezi, ha ki kale hahulu, naize, “Oh, Kezeli McPherson u lutile kuli Keleke ika ya mwa Nyandiso, kakuli lu ka monyeha maseli mwa nako yani.” Ki Isilaele cwale, isiñi Bamacaba.

Bamacaba se baile, ki Keleke. Bana ni kufita mwa Nyandiso. “Dragoni ya kwa mezi mwa mulomo wayona,” kauhanyo ya 17, “mi ya lwanisa baba siyezi,” mwalanjo ya lobezi. Isiñi . . . Keleke ya niti se ile kale. Se i inzi mwa Mulalelo wa Sinawenga ka zeo, nako yefilwe fani Mulalelo wa Sinawenga ha u kabe uezahala, mwa sunda ya mafelelezo. Mi foo koa Nyandiso fo i ka kaliseza, foo nziye ni manyando ha li ka tahela keleke, ni lika ze cwalo.

Mi, kwa mafelelezo, mwa kauhanyo ya 19, ki yo Wa taha ni Munyali wa Hae. Haleluya! “Mulena wa malena, ni Mubusisi wa babusisi; sapalo se si cimbekilwe mwa Mali, ni mpi ya Lihalimu inze ipahami lipizi zesweu, litaha ni Yena. Ki Yo wa taha, ku to nga sibaka sa Hae mwa Mileniamu. Amen! Oh!

Aku lumbiwe Libizo, oh, ku lumbiwe Libizo,  
 Aku lumbiwe Libizo la Mulena;  
 Aku lumbiwe Libizo, oh, ku lumbiwe Libizo,  
 Aku lumbiwe Libizo la Mulena.

Jesu kona Libizo, Jesu kona Libizo,  
 Jesu kona Libizo la Mulena;  
 Jesu kona Libizo, oh, Jesu kona Libizo,  
 Jesu kona Libizo la Mulena.

Mu babaze Libizo la Hae, oh, mu babaze Libizo  
 la Hae,  
 Oh, mu babaze Libizo la Mulena;  
 Mu babaze Libizo, oh, mu babaze Libizo,  
 Mu babaze Libizo la Mulena.

<sup>161</sup> Mu li eza cwani? Mwa Li tunafaza mwa bupilo bwa mina. U pile bupilo bwa kuli ba ka bulela bali, “Ki yani mutang’a Krete.” Cwalo kona mo u babazela Libizo. Ha lu boneñi. Oh, kana ha mu Mu lati? [Kopano ili, “Amen.”—Mu.] Oh, mawi! Pina yaluna ye likani cwale:

Mwa sicelo kwa kale, Ni ziba kuli kucwalo,  
 Mbumbu asepwa ku pilisa sicaba kwa libi za  
 sona.

Joani a Mu bona fa likamba, Ngunyana wa  
 kamita,

Ngunyana yani yena ni Maswayo Asebene yani, ki Iliñwi fela mwa Lihalimu ni lifasi ne li li lwezi. Mwa sic- . . .

Mwa sicelo kwa kale, Ni ziba kuli kucwalo,  
Mbumbu a pepwa kupilisa sicaba sa libi za  
sona.

Joani a Mu bona fa likamba, yena Ngunyana ya  
kamita,

Oh, kufuyolwe Libizo la Mulena.

Oh, kufuyolwe Libizo, oh, kufuyolwe Libizo,  
Kufuyolwe Libizo la Mulena;  
Kufuyolwe Libizo, kufuyolwe Libizo,  
Kufuyolwe Libizo la Mulena.

<sup>162</sup> Ni tabela ku lumbeka. Mina bo? [Kopano ili, “Amen.”—Mu.]  
Cwale, ha lu tahangi kwa keleke ku to utwa fela kutazo; zeo za  
zamaelala hamoho ni zona. Kono lu tahelanga kwa keleke ku to  
lapela, kulapela mwa Moya ni mwa Niti. Mu utwile Niti; kona  
Linzwi leo. Mwabona? Cwale, ku lapela, ki kuipa ili wena ku  
Wena. Mwabona?

*Oh, Na Lata Muuna Yani Wakwa Galilea!* Aku lufe munembo  
nyana ku yona. Eeni, sha. Wa i ziba, Teddy? Ni i libezi cwale. Ha  
lu boneñi. Ha lu boneñi.

Oh, Na lata Muuna yani wa kwa Galilea, wa  
kwa Galilea,

Kakuli U ni ezelize zeñata hahulu.

U ni swalezi libi zaka kaufela, abeya Moya o  
Kenile kuna;

Oh, Na lata, Na lata Muuna yani wa Galilea.

Mutelisi na i lo lapela mwa tempele kwani zazi  
leliñwi,

A lila ali, “O Mulena, u ni utwele butuku!”

A swalelwa sibi kaufela, mane kozo yetuna ya  
tala pilu yahae;

Ki hali, “Mute, mu bone Muuna yo yazwa kwa  
Galilea.”

Oh, Na lata Muuna yani wa kwa Galilea, wa  
kwa Galilea,

Kakuli U ni ezelize zeñata hahulu.

U swalezi libi kaza kaufela, ni beya Moya o  
Kenile kuna.

Oh, Na lata, Na lata Muuna yani yazwa kwa  
Galilea.

Sihole sa kona kuzamaya, simumu sa kona  
kubulela.

Mata ani na bulezwi ka lilato fahalimwa  
liwate.

Sibofu sa kona kubona, Ni ziba kuli ikona fela  
kuba

Mata a Muuna yani yazwa kwa Galilea.

Oh, Na lata Muuna yani wa kwa Galilea, wa  
kwa Galilea,  
Kakuli U ni ezelize zeñata hahulu.  
U swalezi libi zaka kaufela, ni kubeya Moya o  
Kenile ku na.  
Oh, Na lata, Na lata Muuna yani wa kwa  
Galilea.

Amuteele kwa taba yee.

Musali fa siliba, A mu bulelela libi za hae  
kamukana,  
Ka mwa nabezi ni baana ba ketalizoho nako  
yani. (Yani ki Yena.)  
A swalelwa libi kaufela, mane kozo yetezi ya  
taha kuyena;  
Mi a huwa, “Amute mubone Muuna yazwa kwa  
Galilea!”

Oh, Na lata Muuna yani wa kwa Galilea, wa  
kwa Galilea,  
Kakuli U ni ezelize zeñata hahulu.  
U swalezi libi zaka kaufela, abeya Moya o  
Kenile kuna.  
Oh, Na lata, Na lata Muuna yani yazwa kwa  
Galilea.

Na Mu lata. Mina bo? [Kopano ili, “Amen.”—Mu.] Pilu yaka  
kaufela! Mina bo? [“Amen.”] Ha Ki yomunde kana? [“Amen.”]

Oh, yomunde, yomunde, Jesu u kuna, (Ki yena  
Mañi?)  
Mueleze, Mulena wa Kozo, Mulimu Yamata  
kaufela ki Yena;  
Oh, atoni pulusa, kuni buluka kuzwa kwa sibi  
ni maswabi,  
Yomunde Muliululi wa ka, ku lumbwe Libizo  
la Hae!

Ha lu inamiseñi litho zaluna cwale ni kunahana za zona.

Ne ni latehile, kono cwale Ni fumanwi, Ni  
lukuluzwi kwa katulo, (Linaha za ikaba; ha  
li bilaezi.)  
Jesu ufa tukuluho ni puluso yetezi;  
U ni pulusa, U ni buluka kwa sibi kaufela ni  
maswabi,  
Yomunde Muliululi waka, kulumbwe Libizo la  
Hae.

Oh, yomunde, yomunde, Jesu u kuna,  
Ki Muelezi, ki Mulena wa Kozo, Mulimu  
Yamata ki Yena;

Hato nipilisa, kuni zusa kwa sibi ni maswabi,  
Yomunde Muliululi wa ka, ku lumbwe Libizo  
la Hae!

Oh, munahane ka zona!

Ne ni latehile, cwale Ni fumanwi, Ni lukuluzwi  
kwa katulo,  
Jesu ufa tukuluho ni puluso yetezi;  
U ni pula, (U eza sikamañi?) u ni buluka  
kwa sibi kaufela ni maswabi, (nipahami  
fahalimwa sona)  
Oh, yomunde ki Muliululi waka, kulumbwe  
Libizo la Hae.

Cwale hamoho!

Oh, yomunde, yomunde, Jesu u kuna,  
Ki Muelezi, ki Mulena wa Kozo, Mulimu  
Yamata ki Yena;  
Kiñi, uni pulusa, ku ni buluka kwa sibi kaufela  
ni maswabi,  
Yomunde Muliululi waka, kulumbwe Libizo la  
Hae.

Oh, mo Ni latela Jesu, (kanya!)

Oh, mo Ni latela . . .

Ki tabo luli Ni pilisizwe! Ki tabo luli Ni libelezi Kutaha  
kwa Hae!

Oh, mo Ni latela Jesu,  
Kakuli U ni latile pili.

Cwale ni mazoho aluna mwahalimu, haiba lotalusa ona  
cwalo.

Ha nina ku Mu hana,  
Ha nina ku Mu hana,  
Ha nina ku Mu hana,  
Kakuli U ni latile pili.

<sup>163</sup> Mwa Mu lata? [Kopano ili, "Eeni."—Mu.] Konakuli mu lukela  
ku latana. Kakuli ha mu sa lati be mubona mo, mu ka Mulata  
cwani Yo mu si ka bona kale? Ha lu swalaneñi mwa mazoho, ni  
kubulela kuli:

Oh, mo Ni latela Jesu,  
Oh, mo Ni latela Jesu,  
Oh, mo Ni latela Jesu,  
Kakuli U ni latile pili.

Hani ku . . . (Amu nanulele mazoho amina ku  
Yena cwale. Kona cwalo.) . . . -Mu hana,  
Ha nina ku Mu hana,  
Ha nina ku Mu hana,  
Kakuli U ni latile pili.

164 Munahane fela, U zibahalizize sinulo tuna yani ku luna. Kikuli halu Mulati nji? [Kopano ili, “Amen.”—Mu.] Ha Ki yomunde nji? [“Amen.”] Mo lu itumela ka zeo ku Mulena aluna Jesu; ya sa lu fulalangi. “Amubone, Ni inzi mina kamita, kuisa kwa . . .” Kikuli musweli kuikola *Lisunda Zemashumi Asupa Za Daniele?* [“Amen.”] Oh, kikuli ha lu Mulati nji? Si ezahala cwani?

Tumelo ya ka italima Wena,  
Wena Ngunyana ya Kalvari,  
Mupulusi . . .

Ha mu Mu lapele fela, mwa lipilu zamina.

Cwale utwa ha Ni lapela,  
Zwisa sibi saka kaufela,  
Ku zwa kacenu  
Ni be wa Hao kakutala!

Ha Ni nze ni zamaya mwa nzila yetata,  
(kaufela lwabanga cwalo)  
Ni maswabi a ni kwahela mwahali, (Eehe,  
Mulena.)

Wena Ube fela muzamaisi waka; (U ni zamaise  
ku zona, Mulena.)

O fetula lififi kuba lizazi,  
Takula miyoko ya maswabi ku na,  
Si ke na keluhela  
Kwa hule ni Wena.

[Muzwale Branham ukala ku ñuñuna *Tumelo*  
*Yaka Italima Wena*—Mu.]

Mata afiwe pilu yaka yesabile,  
Ciseho ya ka isusuezwe;  
Fetula lififi libe musihali,  
Takula mioko kaufel,  
ku zwa la kacenu  
Ni be wa Hao kakutala!

165 O Jesu, lubona kuli luatumela taba yeñwi. Isaya mupolofita na bulezi ka zona; Jeremia na bulezi ka zona. Daniele na talimezi kwa mulaho ni kubona ze ne ba bulezi. Ne li tabisize pilu ya hae, mi ki ha—ha talimisa pata ya hae kwa Lihalimu. A itima lico, apala masaka ni mufuse. Na bata ku utwa, kuli a lemuse sicaba.

166 Mulena, lu bona zeo ka Libuka, hape, Buka ya Hao, Buka ya Isaya, Buka ya Jeremia, Buka ya Jakobo, Joani, Luka, Mareka, Mateu, ni Buka ya Sinulo, Libuka za Hao kaufela, kuli lu kwa mafelelezo. Mi lu isize lipata za luna kwa Lihalimu, ka tapelo, milapelo, ku fumana ka kuziba ko lupila, Mulena. Lu kala kubona masa ha patalala. Mi, Mulena, lu taha ku Wena. Tumelo ya lina i talima ku Wena cwale. Lu beya kwatuko buima kaufela, sibi kaufela, ku sa lumela kokunyinyani kaufela ko kukona ku lu imeza, lu ikataleza cwale pizo ye pahami, lunze lu ziba kuli nako ya luna ituha ifela.

<sup>167</sup> Fuyola sicaba se sili mo, Mulena. Ba Ku lata. Ki ba Hao. Ba zwile. Ki Wena ya sweli kupatulula. Lu lapela kuli U alabe litaba ze ku luna halunze lu libelezi ku Wena.

<sup>168</sup> Lufe musihali o munde wa kubala, Mulena. Lufe kutwisiso. Lutise kwanu hape busihu boo, likatuluhile. Mulena, ni toze musihali wo, oh, haninze Ni bala, Mulena, ka mulelo otezi maneku asilezi a poto ya Gabriele ye. Haiba Gabriele natilo pota ni kufa taluso ya maneku asilezi, Mulena, lu swanela kuziba cwalo. Lu bala ka Libuka ni kuziba kuli lu fa kaufi. Kacwalo lu lapela kuli U lu patululele zona busihu boo.

<sup>169</sup> Sunda yetaha, Mulena, O Mulimu, ubeye mazazi ao mwateni moo. Ha ni zibi, kono Wena ukona kulutisa hande ka nako yateni. Lumeleza cwalo, Ndate. Lu talimezi ku Wena. Lwa latana mi ni ka Mali a Jesu Krete, Mwan'a Mulimu, a lu kenisize kwa sibi kamukana. Lu talimela ku Wena cwale. Lu tuse halunze lu libelezi ku Wena, Ndate, ka Jesu Molen'a luna.



*LITAELO ZA GABRIELE KU DANIELE* LOZ61-0730M  
(Gabriel's Instructions To Daniel)

MUKOLOKO WA LISUNDA ZE SEBENTE ZA DANIELE

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda kakusasana, Sikulu 30, 1961, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)